

宋

會

要

宋會要 檢田雜錄 案田制建置先後為次

檢田 太祖建隆二年四月大名府上言館陶縣民郭  
贊訴去冬所檢田各有隱漏田畝詔本縣令程迪杖脊  
除名配沙門島元檢官給事中常準奪兩任官 三年  
七月詔以魏鄆貝冀滑衛磁相邢洺等州自夏少雨慮  
秋稼不登命給事中劉載等十人分檢見苗 乾德二  
年四月詔曰自春徂夏時雨常愆深念黎元失於播殖  
所宜優恤俾獲昭蘇應諸道所催今年夏租委在處長  
吏檢視民田無見苗者上聞並與除放 太宗太平興  
國八年九月詔自來水旱災傷畫時差官檢括救其艱  
苦惟恐後時頗聞差出使臣遲留不進州縣之吏日行

鞭朴懼收賦之違限罹有司之殿罰且令耕者改種失期甚無謂也自今應差檢田使臣宜令中書量地里遠近及公事大小責與往來日限違者科罪 九年正月詔曰朕每恤蒸民務均與賦或有災沴即與蠲除蓋欲惠貧下之民豈復以多少為限自今諸州民訴水旱二十畝以下者仍令檢勘先是澶州言民訴水旱二十畝已下請不在檢視之限也太宗以貧民當恤之故有是詔 淳化四年十月二十七日詔開封府管內入戶近為雨水害及田苗已分遣朝臣使臣與令佐體量通檢慮人戶未得盡知及有遲滯宜令差去京朝官使臣及令佐等詳前降敕命疾速通檢具分數以聞當議特與

除放 五年正月知鄭州何昌齡上言諸州逃民非實  
流亡皆規免租稅與鄰里相囊橐為姦爾願一切檢責  
之詔從其請仍令先按鄭懷及磁相等數郡昌齡所至  
凡民十家為保一室逃即均其稅於九家二室三室逃  
亦均其稅鄉里不得訴州縣不得蠲其租民被其災皆  
逃去無敢言者既畢昌齡又請按他部時當中春帝以  
農事方興重為勞擾罷之遣昌齡還里所九月命大理  
寺丞許洞等八人分詣宋亳陳潁泗壽鄧蔡等州按行  
民田有被水潦為害及種蒔不及處並蠲其租 至道  
元年九月遣殿中丞王用和等十四人分詣開封府縣  
檢勘逃戶田土 二年四月開封府諸縣民訴旱命開

封府判官給事中楊徽之等三人刑部郎中直昭文館  
韓授等五人分路體量六月帝謂宰相曰自今開封府  
諸路檢田當選京朝官幹事者勿復差本府官屬真  
宗天禧二年十月詔自今差官檢勘逃戶并災傷民田  
令三司寫造奏帳式二本一付檢校田官一送諸道州  
府軍監四年八月詔京東西河北諸州軍經水田苗  
蠲減稅賦更不覆檢乾興元年二月開封府言開封  
等十六縣逃移人戶甚多近得雨澤日望耕種欲於隣  
近縣分差令佐更牙覆檢詔特免覆檢今後不得為例  
仁宗景祐二年十月十三日中書門下言編敕人戶  
披訴災傷田畝各留苗色根槎未經檢覆不得耕犁改

種慮妨人戶及時耕種今後人戶訴災傷只於逐段田頭留三兩步苗色根樣準備檢覆任便改種故作弊倖州縣檢覆官嚴切覺察不在檢放之限先是訴災者未得改耕待官檢定方聽耕耨民苦種蒔失時重以失所故詔革之至和三年六月詔京東西荆湖等路被水災處速差官體量減放稅賦或倚閣更不覆檢神宗熙寧二年六月十二日詔定諸請買荒廢地土已經開墾并增修池塘堤岸之類却有諸般詞訟但合斷歸後人者並官為檢計用過功價酬還前人其增益舍屋栽種竹木之類亦償其直願折伐者聽三年三月同管勾秦鳳路經畧司機宜文字王韶言渭城下至秦州緣

河有良田萬頃乞錢興治言者謂其不實奪一官既而委本路按驗言有四千餘頃乃還其官而並從其所請五月二十八日詔訪聞恩冀莫雄滄州永靜軍信安保定乾寧軍自夏災傷其令本路轉運副使王廣廉勾當公事孔嗣宗分行體量檢放田稅仍多方賑濟饑民無令失所六年七月十九日樞密都承旨曾孝寬言乞下河北監牧司差官點定牧地佃戶被水苗者田蠲其租詔令轉運監司各選官一員同依公檢放十年十一月新差知蔡州高賦言體問得本州有係官并人戶包占無稅荒閑田土不少兼有水利可興欲望詳臣到任後依唐州例曉諭入戶漸行檢括從之元豐元

年八月六日詔河北轉運司體量被水戶災傷及七分蠲其稅不及七分者並檢覆四年七月七日前河北轉運判官呂大忠言天下二稅有司檢放災傷執守謬例每歲僥倖而免者無慮三二百萬其餘水旱蠲闕類多失實民披訴災傷狀多不依公式諸縣不點檢所差官不依編敕起離月日程限託故辭避乞詳定立法中書戶房言熙寧編敕約束詳盡欲申明行下從之哲宗元祐元年四月四日三省言開封府諸路災傷轉運提點刑獄官並據本路災傷州縣分定親詣檢校從之六年七月二十二日詔兩浙路鈐轄轉運提刑及蘇湖等五州令各具逐州水災所及與高田無水及水退

可耕之地各幾何具實以聞從殿中侍御史楊畏請也  
紹聖二年十月十九日侍御史翟思言酸枣封邱兩  
縣民詣臺陳訴戶下田旱詣縣乞行檢放縣不為受理  
反決妄訴請下府界選官同本縣官長周行檢視如民  
田實荒即當蠲放詔府界提點司選差官體量以聞  
徽宗大觀三年九月六日詔東南路比閭例有災傷斛  
斗踴貴可下諸路監司仰依實檢放秋苗分數仍依條  
賑濟 政和元年十二月二十七日前權提舉河北西  
路長平王覲奏河北郡縣地形傾注諸水所經如滹沱  
漳塘類皆湍猛不減黃河流勢轉易不常民田因緣受  
害或沙積而淤昧或波啗而昏墊昔有者今無昔肥者

今齊官司利於租賦莫肯蠲除人戶苦於催科不無差  
誤欲委官悉心體究凡如上件有帳籍而別無土田及  
雖有土田而弗堪耕種者其夏秋二稅依條法開闢破  
放施行詔戶部坐條申明行下 八年二月十七日臣  
僚言民田被訴河漑積水災傷雖十分收成亦妄有破  
放并遇非泛旱勞亦多夾帶豐熟地段在內縣不體究  
其實一槩受狀申州州下依條委通判司錄同縣令檢  
覆而差曹祿簿尉前去所委官亦不依條躬親檢視止  
在寺院勾集人戶縱公吏不以有無災傷或不曾布種  
田段一槩依破年例約度分數除破虧損財計最為大  
害欲令轉運司下所屬繪逐縣諸村地形高下圖過非

時旱勞專委縣令子細體度具被災月日傷稼稽去處次第申上以備檢察檢覆官先委通判司錄同縣令如實有故即依差試官法不支當月請給不親至其處亦重立斷罪告賞條法詔戶刑部立法處分宣和元年三月二十六日京西路轉運判官李祐奏奉詔體量災傷者數百人知州李惺將狀首劉均等科斷差公人監勒劉均等高聲自言今後不敢訴災傷遍詣城市號令兼劉均年七十三歲因斷得病身死緣此阻遏放稅不及一釐詔李惺先次除名勒停簽書官合干人並勒停提刑司根勘以聞四月二日京西路轉運判官李祐言尚書右丞范致虛奏京西水災州縣並不依災傷檢

放勒令民戶依舊納稅致民力愈困體量得汝州諸縣  
艱於賑濟致有流移饑殍唐鄧州縣已依法檢放稅租  
及賑濟均房州諸縣放稅不盡致自冬及春以來往往  
聚為盜賊詔均房州知通遂縣知縣並衝霄唐鄧州知  
通各轉一官 三年二月七日臣僚言水旱災傷去處  
州縣已依條差官檢踏減於苗數分數訖而漕臣又令  
州縣再行增收分數如宣和元年蕪湖一縣已經減放  
分數而漕司再行增收八千九百石詔令本路提刑司  
體究以聞 四年五月二日詔江南東西路有逃絕及  
江水壞田多是虛招稅租監司不問督責州縣民力不  
堪令轉運司并州縣當職官體究根括置籍拘管仍勸

誘歸業及召人租佃承買其認納稅租令於額內除闕  
六年三月二十四日詔諸路州縣災傷多是官司檢  
放不實使人戶虛認稅額無所從出必致流移不能歸  
業今後人戶經所屬訴災傷而檢放不實州郡監司不  
為伸理許赴本路廉訪所及尚書省御史臺越訴以清關會事  
宗紹興二年十一月十二日江浙荆湖廣南福建路都  
轉運使張公濟言人戶田苗實有災傷自合檢視分數  
蠲放若本縣界或隣近縣分小有水旱人戶實無災傷  
未敢披訴多是被本縣書司貼司先將稅簿出外雇人  
將逐戶頃畝一面罵災傷狀依限隨衆赴縣陳過其檢  
災官又不曾親行檢視一例將省稅蠲減却於人戶處

欽掠錢物不貲其鄉書手等代人戶陳訴災傷乞行立  
法戶部檢坐到紹興敕諸攬狀為人赴官訴事及知訴  
事不實若不應陳述而為書寫者各杖一百因而受財  
賊重生賊論加一等照依告獲每名夫賞錢五十貫  
四年九月十五日敕契勘水旱災傷檢放官不能遍詣  
田所吏緣為姦受賕囑託或以少為多或以有為無或  
觀望漕司吝於減放致貧民艱於輸納有流離凍餒之  
患今後並委提刑司檢察如有不實按劾以聞當議重  
責十一月二十六日兩浙運副李謨言被旨催納湖秀  
州平江府上供米斛據平江府具到今年苗米三十萬  
餘碩內逃田開闢四萬三千餘碩災傷檢放八萬二千

餘碩契勘本府鄉村田畝比之他處最係肥田竊慮暗  
有椿占及不親臨檢視乞下浙西提刑司專委官覆實  
將不職官吏送所司根勘重賜行遣如所委官報敢隱  
蔽不實許監司互察依此根勘從之同日中書舍人王  
居止言竊見屢下詔旨赦文倚閣逃絕檢放災傷四方  
守令奉行不虔猶恐實惠未必及人今州縣一有開閣  
逃田及檢放災傷去處則監司便指官吏作弊欲寘於  
法臣已取會常州鎮江府所放災傷與平江府分數一  
同其開閣逃田亦係已經去年開閣數目其轉運司已  
依近降指揮將鎮江府等處檢放數目牒提刑司委官  
檢察去訖今平江府獨從朝廷行下恐提刑司及所委

官心懷觀望保明不實使逃戶及被災傷之人抑勒敷納為害不細乞賜追寢今降指揮從之 五年八月十一日中書門下省言江東西浙東路昨緣雨澤愆期有傷苗稼詔令逐路轉運司委官前去體度如實被災傷去處依條檢視施行二十四日內降德音訪聞廣南東路多緣颶風亢旱損傷禾稼在法自有合放數仰本路轉運司委官前去體度如實被災傷去處依條檢視施行 六年二月八日中書門下省言勘會民田曾經水發衝壞不堪開條耕作依條州縣檢視及轉運司覆實方委開閣減免稅租竊慮其間因民戶陳訴州縣行移稽留致有虛納稅租者理宜措置詔令諸路轉運司行

下州縣如有文案可照曾行檢踏者疾速依條覈實以聞十三年三月二十三日廣南西路轉運司言靜江府自紹興七年差官根括逃田雖已根括了絕目今不住却據逐縣申明人戶陳訴有逃絕戶數至多蓋緣所差官並不躬行阡陌親自檢踏今欲將日後根括之官經及三年不至民戶詞訟別無不盡田土方許所屬次第保明應餘路有根括逃田去處亦乞依此施行仍下諸路轉運司遵守施行從之十五年六月二十一日詳定一司敕令所刑定官錢龐言欲望申戒州縣或遇水旱檢放民田致民冤訴差官覈實果有不當必重寘典刑庶幾民被實惠從之十六年二月二十五日權

知衡州竇深言衡州官下頻年豐稔不減平時然而尚有拋荒之土未盡耕墾良田檢放不實田主未敢歸業欲望檢照前後累降指揮委自監司重行檢放召令歸業其孤老困乏力不能辦者官與支借種糧牛具責限隨帶二稅送納則不一二年間田畝可以盡耕逃民可以盡歸省稅可以盡復從之 十七年十一月二日上諭輔臣曰州縣災傷宜令官司留意檢放不得苟取一時稅租却致人戶逃移難以復業 十八年十月二十八日臣僚言今年夏秋之交天時亢旱災傷去處農民艱食欲望嚴戒所部監司守令常切存恤災傷農民無致失所上曰如委實災傷可令所屬依條檢放稅租或

有違戾監司覺察按劾以聞十一月二十七日戶部  
言訪聞江浙淮南災傷依法以元狀差通判或職官同  
令佐詣田所躬親檢視申州具放稅租色額分數勝示  
及申所屬監司檢察即有不當監司選差鄰州官覆檢  
失檢察者提點刑獄司覺察取勘具案以聞今欲下江  
浙淮南路州軍據災傷縣分遵以今限指揮依實檢放  
分明大字出榜鄉村曉諭民戶通知并下逐路轉運司  
常平司子細檢察所差官與令佐各曾與不曾躬詣田  
所檢視有無不實不盡將違戾去處依法按劾施行從  
之十二月二十二日上諭輔臣曰災傷去處已降指揮  
檢放稅苗可申嚴行下逐路當職官須管依實檢放如

有不盡許人戶經尚書省越許二十三年六月三日  
上諭輔臣曰聞諸處民田有被水害者可令戶部行下  
州縣差官檢視不可救護去處依條放苗二十四年  
十月三日三省言諸路州軍豐熟間有高田旱傷去處  
上曰可令依條檢放公私欠負仍住催理其係官年歲  
深遠者委戶部開具取旨除放仍令常平司措置通融  
糶糶務令兼濟毋致失所二十五年十一月十九日  
敕勘會兩浙江東淮路間有因風水傷損田苗去處除  
節次已降指揮存恤賑糶外委逐路漕司行下州縣不  
體至意檢放失實或漕司不為除豁致人戶虛受苗稅  
如有似此違戾去處仰提刑司覺察按劾仍許人戶越

訴 二十六年二月五日詳定一司敕令所刑定官柳  
綸言臣竊見民間歲納秋苗間有旱澇自合減放分數  
近來州縣多是利於所入畧不加恤及檢視之際雖曰  
差官檢實往往觀望徒為虛文是致貧民下戶監繫無  
時至有終身不能償者乞下有司嚴立約束許民戶越  
訴從之 二十七年十月六日詔秋雨過多深慮下田  
有被損去處仰州縣依條檢放務在實惠及民不得因  
莽失實仍令監司檢察十一月四日殿中侍御史葉義  
問言昨將漕江東目覩檢放之弊且以江東一路言之  
歲認上供額八十五萬碩皆責辦州縣及時輸納然其  
間或因災傷檢放致令有承認不足數目朝建燭見難

以催理曾降指揮除放至紹興二十二年訖自二十三年以後實因災傷檢放米數依舊催理臣嘗具此聞奏蒙行下戶部勘當至今未與除豁欲望特降指揮將紹興二十三年以後州縣實因災傷檢放米數已行申奏未准戶部銷豁者特與除放仍令監司申戒州縣官司自後或遇災傷須管及時躬詣田所依條從實檢放並具結罪保明狀申奏如檢放不實監司按劾如監司容縱令御史臺彈糾從之 二十八年八月二日詔令逐路轉運司疾速行下州縣開實被災傷頃畝數目及合檢放分數以聞 三十年十月四日臣僚言欲望令逐路監司嚴察州縣委有災傷去處並令從實放稅其有

奉行不虔之吏按劾奏聞詔令依條檢放

孝宗隆興

元年八月二十日臣僚言州縣檢放災傷奉行不虔守

令未嘗加意十分災傷之處檢放不及二三分乞自今

年八月三十日以後再展限一月州縣多出文牒曉示

應今年經水旱蝗螟災傷去處許人戶從實經縣陳理

不拘早晚收接委縣令躬親同所差州官前去地頭檢

視着實分數依條檢放仍委知州專一覺察諸縣監司

覺察諸州如有奉行違戾並委監司郡守將所委官按

劾人吏編配施行如監司郡守不行覺察並許人戶越

訴御史臺彈劾以聞從之乾道三年八月十六日起

居舍人黃鈞言竊聞四川亢旱異常自春及夏民情嗷

噉比至六月下旬乃始得雨揆之農時似不及事得雨  
之後但植晚豆就令農熟所得無幾具他郡邑又有螟  
螣害稼去處竊緣四川阻遠自來循例不申災傷不行  
檢放欲望行下四路帥臣監司從實體量稍加存恤從  
之九月十三日臣僚言檢視災傷雖有條法官司玩習  
未嘗遵依每差州官到縣隨行征求追取皆有定例然  
後擇村疇中近年瘠薄不熟之田先往視之多為蠲放  
名曰應破又擇今歲偶然稍熟之處再往視之責以妄  
訴名曰伏熟重為民困望詔守臣選差練曉清彊之官  
公心考覈申救監司嚴為按舉凡所差官汙廉勤情公  
正與夫誣罔之狀態以上聞從之 四年七月二十五

日詔諸路轉運司行下所屬州縣將災傷去處各選委清彊官遍詣地頭盡實檢放或不實不盡有虧公私被差官并所差不當官司並重作行遣其被水至甚去處令監司守臣條具合措置存恤事件聞奏以三省言荆南建寧衢饒信等州災傷故也 六年六月二十七日戶部尚書曾懷言乞委諸路漕臣應災傷去處仰民戶依條式於限內陳狀仍錄白本戶砵基田產數目四至投連狀前委自縣官將砵基點對坐落鄉村四至畝步差官覈實檢放如輒敢妄移豐熟鄉分在災傷地分僥倖減免許人陳告依條斷罪仍將妄訴田畝並拘沒入官以一半給告人充賞或有豐熟去處收割禾稻了當

却開塍圍岸放水入田瞞昧官司之人亦乞依此施行  
若州縣奉行減裂從漕臣按治重寘典憲詔依諸路遇  
有災傷令監司守令依此施行八月二十八日詔今後  
夏秋之間水旱交作繼之螟蟲害稼滋多其間江東西  
最甚二浙次之福建湖南北又次之可令諸路監司早  
行覈實檢放稅租 七年八月七日江南西路轉運司  
言本路今年春夏以來久闕雨澤江州尤甚欲將本州  
諸縣乾道七年所催夏稅紬絹錢物內第四等以下人  
戶除形勢戶外並與減免三分第五等減免五分詔令  
所委漕臣將災傷去處第四等五等人戶秋稅覆實所  
有輕重一面依條檢放具已檢過分數以聞十一月十

日詳定一司敕令所修立下條諸災傷路分安撫司體

量措置轉運司檢放展閣

軍糧闕乏聽以常平司糶給

借貸提刑司覺察妄濫如或違戾許互相按舉仍各具

已行事件申尚書省諸災傷路分帥臣監司申到已行

措置檢放糶給覺察事件並歲終考察修廢以聞從之

九年八月九日詔浙東州軍間有闕雨去處不無損

傷田畝可令兩浙路轉運司委官躬親檢視如有所損

分數即仰覈實依條減放仍具已施行去處申尚書省

九月二十六日臣僚言伏見今夏以來雨不及期浙東

諸郡旱者甚衆至於江西間有荒歉田野之間以艱食

為慮竊恐今來州郡不知仰體陛下軫念元元之意遂

使荒政不舉實惠不孚重為民害欲乞申嚴行下凡有  
旱傷去處必須重實檢放不得亂有沮抑致奸和氣仍  
乞今逐路常平提舉官躬親巡歷同帥漕之臣覺察按  
劾以聞從之十二月十四日詔嚴州守臣選差諳練職  
官一員將已行檢視之數下諸縣審實如委被淹沒去  
處即與倚閣二稅候至將來開復却行起催臣僚言嚴  
州溪流暴漲並溪之田皆為淹沒縣佐檢視未為得實  
故也以工氣道會要

農田雜錄

農田雜農田一錄 太祖建隆二年正月賜諸州詔曰生民在勤所資惟穀  
先王之明訓也永念農桑之業是為衣食之源今陽和在辰播種資始憲

彼鄉閭之內或多游惰之民苟春作之不勤則歲功之何望鄉仕居守土  
職在頒條宜勸諭耕耘收功穡穀勉思共理別俟陟明 九月詔如聞百  
姓有伐桑柘為薪者其令州縣禁止之 乾德二年正月詔諭諸州長吏  
曰朕以農為政本食乃民天必務穡以勸分庶家給而人是今土膏將起  
陽氣方升苟播種失時則豐登何有卿任隆分土化洽編氓所宜課東作  
之勤副西成之望使地無遺利歲有餘糧勉行敦勸之方俾我憂勤之意  
四年閏八月詔所在長吏告諭百姓有能廣植桑柘開墾荒田者並只納  
舊租永不通檢令佐能招復逋逃勸課栽植歲減一選者加一階 太宗  
太平興國七年二月詔曰東歲近年已未蝗旱相繼流民甚衆曠土頗多  
蓋為吏者失于撫綏使至于是天災所及隱匿而不以聞歲調既與循常  
而不得免編戶遂成于轉徙大田乃至于汙萊深用疚懷不遑寧虞碑伸  
惻隱別示招徠宜令本府設法招誘並令復業只計每歲所墾田畝桑柘  
輸稅至五年後舊舊所逋欠悉從除免限詔到百日許令歸後違者桑土  
許他人承佃為永業歲輸稅調亦如復業之制仍于要害要粉壁揭詔書  
而示之 五月詔開封府管內膏澤沾足宜令民及時種藝禾黍道路泥  
甚輸租者當俟晴霽吏無得督責 閏十二月詔諸路州民戶或有能勤

宋太平興國  
五年

稼穡而乏子種與土田者或有土田而少丁男與牛力者許衆戶推一人  
詣會種植者州縣給帖補為農師除二稅外並免諸雜差徭凡穀麥麻豆  
桑棗果實蔬菜之類但堪濟人可以轉教衆多者令農師與本鄉里正村  
耆相度具述土地所宜及其家見有種子某戶見有闕丁某人見有剩牛  
然後分給贖土召集餘夫明立要契舉借糧種及時種蒔俟收成依契約  
分無致爭訟官司每歲較量所課種植功績如農師有不能勤力者代之  
情農務為飲博者里胥與農師謹緊教誨之不率教者州縣依法科罰  
九年以其煩擾罷之 淳化元年九月詔江浙寺路李昱敕做曰民多流  
亡棄其地遂為曠土宜令諸州籍其隴畝之數均其租每歲十分減其三  
以為定制仍給復五年召游民勸其耕種厚慰撫之以稱務農敦本之意  
四年二月詔嶺南諸縣令勸民種四種豆及黍粟大麥蕎麥以備水旱官  
給種與之仍免其稅內乏種者以官倉新貯粟麥黍豆貸與之 五年三  
月以宋變陳穎州民無牛畜者自稅犂而耕因令逐處人戶團甲每一牛  
官借錢三千令自于江浙市之又命直史館陳堯叟先齎踏犂數千具往  
宋州委本家鑄造以賜人戶 先是太子中允武允成常進踏犂至是公  
搜訪其制猶存因命鑄造賜焉堯叟還奏踏犂之用可代牛耕之功半比

鑿耕之功則倍 至道元年六月詔曰近年已來天災相繼民多轉徙田  
卒汙萊雖招誘甚勤而逋逃未復宜伸勸課之旨更示蠲復之恩應諸州  
管内曠土並許民請佃便為永業仍免三年租調三年外輸稅十之三應  
州縣官吏勸課居民墾田多少並書印紙以示旌賞 十二 詔勸農種  
菽素有定規如聞近來多不奉職非所以副軍字之寄厚衣食之源宜令  
諸路州府各據本縣所管人戶分為等第依元定案案株數依時栽種如  
欲廣謀栽種者亦聽其無田土及孤老殘疾女戶無男丁力者不在此限  
如將來增添案土所納稅課並依元額更不增加每春初曉示令佐能設  
法勸課得替日批歷為課 三年七月 詔應天下荒田許人戶經營請  
射開耕不計歲年未議科稅直俟人戶開耕事力勝任起稅即于十分內  
定二分永遠為額 真宗咸平二年二月詔曰前許民戶請佃荒田未定  
稅賦如聞拋棄本業一向請射荒田宜令兩京諸路榜壁曉示應從來無  
田稅者方許請射係官荒土及連年落業荒田俟及五年官中依前敕于  
十分內定稅二分永遠為額如見在莊田土窄願于側近請射及舊有莊  
產後來遷移已被別人請佃礙敕無路歸業者亦許請射州縣縱有請射  
狀疾速給付別置籍抄上逐季間奏其官中放收要用土地及係曠逃戶

莊園有主荒田不得悞有給付長吏常切安撫廣務耕種隨土所宜趁時  
栽種不得輒有攬擾長吏批上印歷理為勞績如拋本業稅東西改易  
姓名妄求請射此色之人即押歸本貫勘斷 三年六月著作郎佐胡則  
言請課河北州縣種榆柳以備材用從之 十一月以刑部貧外郎直史  
館陳靖為京畿均田使令自擇京朝官分下諸縣 六年三月大理寺丞  
黃宗旦上言潁州陂塘荒地凡千五百頃可募民耕植即遣宗旦馳往結  
度部民應召者三百餘戶詔令未出租賦免其徭役入命宗旦通判潁州  
使終其事 景德二年正月內出踏犂式付河北轉運令詢于民間如可  
用則官造給之時以河朔我寇之後耕具頗闕牛多疫死淮楚間民踏  
犂凡四五人力可比牛一具故有是命 大中祥符二年八月詔澶州自  
今民以耕牛過河北者勿禁時河北牛疫河南民以牛往貿易者甚衆而  
澶州浮梁主吏輒邀留之故詔諭焉 五年五月遣使福建州取占成稻  
三萬斛分給江淮兩浙三路轉運使并出種法今擇民田之高仰者分給  
種之其法曰南方地暖二月中下旬至三月上旬用好竹籠周以稻稈置  
此稻于中外及五斗以上又以稻稈覆之入池浸三日出置宇下伺其微  
熟如甲拆狀則布于淨地俟其萌與穀等即用寬竹器貯之于耕了平細

田停水深二寸許之布之絰三日決其水至五日視苗長二寸許即復引水浸之一日乃可種蒔如淮南地稍寒則酌其節候下種至八月熟是稻即早稻也真宗以三路微旱則稻悉不登故以為賜仍揭榜示民 六年六月監察御史張廓上言天下曠土甚多望依唐宇文融條約差官檢估帝曰此事未可遽行然人言天下稅賦不均豪富形勢者田多而稅少貧弱地薄而稅重由是富者益富貧者益貧王旦曰田賦不均誠如進言但須漸謀改定或命近臣專司之委其擇人且自一州一縣條約之則民不擾其事集矣 七月詔自今農器並免收稅先是知濱州呂夷簡奏乞免河北收稅農器帝曰務穡勸農古之道也豈止河北耶故有是詔 七年三月詔自今典賣田宅其隣至內知有已將田業正典人者只問見典人更不會問元業主若元業主除已典外更有田業隣至即依隣至次第施行先是京兆奏民有訟田以典到地為隣至者法無明文故條約 六月詔諸州典賣與人而戶絕沒官者並納官檢估詣寔明立簿籍許典限外半年以本錢收贖如經三十年無文契及雖有文契難辨真偽者不在收贖之限初三司以舊無條制請頒定式狀下法寺故命條約焉 八月詔以諸道牛疫民有買賣耕牛者免稅 九年八月詔曰數收之畜農耕所

資盜賊之禁素嚴阜蕃之期是望或罹軍割深可憫傷自今屠耕牛及盜藏殺牛罪不至死者並繫獄以聞當從重杖時中使自洛迴言道逢鬻牛肉者甚衆憲不逞革因緣屠軍故戒之明年江南范應辰杭州薛顏越州楊侃並上言江浙之間犯禁者衆悉以上聞即刑獄淹繫遂罷此詔止如舊敕施行

天禧元年八月詔諸州賣買耕牛稅錢更放一年三司不須比較十月萊州上言州民願以舊麦一斗易官倉新麦為田種之仍令京東轉運徧輸諸州許依此制二年二月梓州黃昭益遂州滕世寧言川界多爭論追贖遠年典賣莊土乃至勘誥皆于業主生前以錢典市及業主戶絕本人不經官自陳便為已業直至鄰里爭訟方始承伏出錢估價望自今每戶絕如有曾典得物業人並須具事白官或隱匿誣誤事發即決罰訖勿許復買詔法寺叅議且請自今應以田宅與人上而業主戶絕者與限一年許見他人具事白官估直召人收市限滿不告論如法莊宅納官稅之

六月詔民有訴理田土非是相侵奪者並依舊制俟務閑日理決先是河北提點刑獄上言民有詣闕訴田者詔令本州依理施行官司被詔雖在農務即追理之頗妨農業故命條約三年七月詔戶絕莊田自今纔有申報即差官詣地檢視其沃壤園林水碓止令官司召人租佃及明設疆界數

目附籍收像其硃濟田產即聽估直出市時有言官司以戶絕田肥沃者  
市于人而以增租課故有是詔 十月詔廣南自天禧元年正月一日已  
前民有私鬻有分田產券契分明為有分骨肉論理者即以所鬻價值均  
分之田產付見佃 四年四月福建路轉運使方仲荀上言福州官莊千  
二百十五頃自來給與人戶主佃每年只納稅米乞差官估價今見佃人  
收買與限二年送納事下三司請如所請詔福州官莊更不出賣差屯田  
員外郎張希顏與轉運使同共依漳州例均定租課開奏 八月二十  
二日詔國家每念蒸黎常輕賦歛豈令遠俗重此均輸宜特示于推恩俾  
並從于舊貫其福州佃官莊戶依舊佃將更不均定租課天聖三年希顏  
又奏先往福建均定官莊租課已定租米六萬五千碩相度福建八州皆  
有官莊七州各納租課惟福州只依私產納稅復免差徭頭是俸氏乞相  
均米數依州價折納見錢銅鉄中半從之是日利州路轉運使李昉上言  
近觀敕命就差提點刑獄官先勸農使以見國家務農之道臣三紀外任  
每見州縣之民多不諳會插種覽四時纂要齊民要術並是古書備陳耕  
耨栽植之法又觀先降農田救條貫甚精差止約于刑禁顯諸程式復置  
常平倉亦慮其乏絕今請取此二書雕印頒付諸路勸農司轉運勸使副

每遇巡歷州縣常加提舉勸農詔令罷閭閻校勘雕印賜與諸處是月兩浙  
勸農使言人戶自括田均稅已後多耘耕官荒田今成熟土歲月已久今  
不即首露者慮鄰人爭奪望聽元佃人首罪收稅復給佃者從之五年  
四月詔曰朕茂紹慶靈撫區宇區宇方勸勤于稼穡思洽詠于倉箱今以  
膏澤應時大田興役冀臻上瑞寔荷高穹猶慮整寓之間力農之時室親  
資儲之盈羨忘播殖之艱難或銀兼損急于收歛俾行戒諭用示餘懷宜  
令州縣告諭人戶不得枉有費用棄擲食物違者量罪科責六月司農  
負外郎趙賀言川界戶絕田土昨准敕除二稅外悉定租課召人請佃竊  
慮租賦稍重望且許依舊估直貨鬻從之十月詔河北民有請佃落北  
舊戶莊土園林而輒典質者止勒典質本主佃蒔俟本主自北界至即時  
給付其元質婚嫁勿復理納先是景德二年初落界界人莊田園林請佃  
課有毀鬻者許人陳訴依法科罪至是知趙州高志寧言部民役滕訴者  
五百八十餘戶蓋始以蝗旱不濟因貿易其園今方歲稔即互有論告若  
受而理之恐成滋蔓望賜條約故有是詔乾興元年十二月仁宗已即位  
未改元上封者言自開國以來天下承平六十餘載然而民間無積蓄倉  
廩未陳腐稍或飢饉立致流移蓋差役賦歛之未均形勢豪強所侵擾也

又若山海之利歲月所增莫不龍蓋提封萬里商旅往來遠食常雜物價  
騰湧匹帛金銀比舊價倍斛食糧草所在增貴復有摧酷尤而糜潰不立  
禁約只務創添為害滋深取利何極至如川遠所產雖富般運定多收買  
折料織造染練其費不一所有四害今當據陳伏見勸課農桑由盡除日  
然鄉閭之弊無由得知朝廷惠澤雖優豪勢侵陵罔敢逆使卑負小戶力  
役靡供仍歲豐登稍能自給或時水旱流轉無從戶籍雖有增添農民日  
自減少以臣愚見且以三千戶之邑五等分算中等以上可任差遣者約  
千戶官員形勢衙前將吏不啻一二百戶並免差遣州縣鄉村諸色役人  
又不啻一二百戶如此則二三年內已總通差曉得歸農即復應役直至  
破盡家業方閑休所以人戶懼稍見有田產典賣與形勢之家以避徭役  
因為浮浪或恣情游更有諸般惡偉影占門戶田土多便作佃戶名目若  
不禁止則天下田疇半為形勢所占復請應自今見任食祿人同居肉骨  
肉及衙前將吏各免戶役者除見在業外不得更典賣田土如是許人陳  
告典賣田土沒官自然減農田之獎均差遣之勞免效力役不禁循夫業  
其罷俸罷任前資官元無田者許買五頃為限已差近上明幹吏檢會茶  
鹽條例條制出自宸斷裁擇施行詔三司委聚官限五日內定奪三司言

准農田救庭鄉村有莊田物力者多苟免差徭虛報逃移與形勢戶同情  
 啓俾却于名下作客影庇差徭全種自己田差產今與一月自首放罪限  
 滿不首許人告論依法斷遣支實又准天禧四年救應以田產虛立契與  
 貴形勢豪強戶下隱庇差役者與限百日經官首罪改正戶名限滿不首  
 許人陳告命官使臣除名公人百姓決配今準臣僚奏請眾官定奪欲應  
 臣僚不以見在任罷任所置庄田定三十項為限衙前將吏合免戶役者  
 定十五項為限所典買田只得于一州之內典買數目如有祖父遷葬若  
 令隨莊卜葬心惡刑無差地選擇方所今除前所定項數許更置墳地五  
 項為限如終陳實後雖違犯許人陳告命官使臣糾違制罪公人永不收  
 充職役田產給告事人若犯有崖廩不通步量力耕火種之機處所定項  
 畝委逐路轉運使別為條制具詣寔申奏又復農田救買置及析歸業居  
 歸業佃逃戶未併入本戶者各出戶帖共輸今臣僚所請並願割入一戶  
 下今秋申明舊救令于逐縣門榜壁曉示人戶與限百日許令陳首若正  
 限滿不首即今後更改違犯許人陳告如公然作弊顯是虧占他人差役  
 所犯人嚴斷仍據救弊田三分給一與告事人充賞並從之仁宗天聖  
 元年六月江西勸農使朱正解上言昨知饒州據鄱陽縣佃戶吳知等姓

錄請射崇德鄉逃戶田產今主人有狀經縣不許請射逃田遂送司法大  
中祥符六年敕江南逃田如有人請射先勘會本家舊業下得過三分之  
一其吳智等無田抵當更不給付以臣愚見若舊業田有三分方給一分  
則是貧民常無田業請射唯物力戶方有抵當欲乞特降敕命應管逃田  
不問有無田業欲並許請射事下法寺與三司定奪三司言江南逃田若  
須令有田之戶以舊業三分請射一分則無土貧民無田請佃荒閑蓋多  
又有田業人挑畝請射今欲應管逃田許不問戶下有無田業並令全戶  
除攻堡外請射充屯田佃種依例納夏秋租課永不起稅若一户無力全  
佃許衆戶同狀分請一户逃移勘同請人均輸並從之七月殿中丞齊  
當上言檢會大中祥符八年敕戶絕田並不均與近親賣錢入官肥沃者  
不賣除二稅外召人承佃出納租課變易舊條無所稽據深成煩擾欲請  
自今後如不依戶令均與近親即立限許無產業及中等已下戶不以肥  
瘠全戶請射如須沒納入官即乞許全戶不分肥瘠召人承佃又國子傳  
士張願上言累有百姓陳狀稱為自來官中定年深戶絕租課積累物數  
已多送納不前蓋是元差到官務欲數多望成勞績定租重大累家校科  
攤配在隣人戶下送納不便遂至逃移官中更均攤在以此逃戶隣人名

下起慈詞訟國家富有萬方三司是聚歛之臣必慮能蠲免乞下三司  
定奪事下三司與法寺議定聞奏今參詳應戶絕戶合納官田稅或先下  
落田已遠無人請買荒廢虧失稅額欲乞勘會戶絕田勒令佐打量地步  
什物估計錢數申州州選幕職官再行覆檢印榜示見佃戶依估納錢買  
元永業不得更將肥田請佃先下落薄若見佃戶無力收買即問地隣隣  
地隣不要方許中等以下戶全戶收買其錢限一年內送納如一户承買  
不盡許家戶共狀收買如同情欺降小估虧官許知次第人論告並當嚴  
斷仍以元買田價十分給三分賞告事人從之 二年正月開封府提照  
賸契李讓言請下開封府委令佐勸誘人戶栽植桑柰榆柳如栽種萬數  
倍多委提照司保明開奏各與陞差使從之 三年五月深州董希顏上  
言準景德二年正月勅河北沒蕃戶莊田林木本主未歸無人佃者委逐  
縣官遍往點檢實數置籍管像常切檢校不得毀所候本主歸給付如本  
主未到許房親請佃如無房親即召主戶佃時其年七月詔河北全家沒  
蕃戶莊田須房名隣保五七人方得請佃如無許主戶請佃據一拘已上  
縣主帳給付州縣拘轄不得所代破賣候主歸依搬運之至天禧五年敕  
用知趙州高志寧言據已破賣沒蕃人戶主佃田且勒與質主佃時候歸

給付已經勘斷者更不為理臣詳元勅為未和好以前沒蕃之人朝廷矜  
憫慮有廢土代木折屋致本主歸無所投遂降勅不得斫伐破賣今緣和  
好已久自雍熙後至景德前能歸復者盡已歸復至今年未歸之人多是  
徙初故數在或在北已亡縱在蕃中存其者亦少其莊田舊已準救給與  
房隣佃蒔或已有請佃戶又多尊長亡沒自下子孫相承佃蒔已成營葺  
屋宇損壞不敢修復桑柘枯朽不敢剪除見今園林多是後來栽植河朔  
之地少近山谷每官中料木或制農具或不採斫園林即不無所出偶然  
修葺或採取一株便為將墮之民陳告即奪給告者却使元佃戶全家起  
出不唯患彼姦民寔亦有傷和氣近又應准轉運司差官推勘多是陳告  
此類公事竊慮不逞之人競起訟端編民不遂安居刑獄無由清簡今請  
應河北人戶請佃沒蕃莊田者除將莊田典賣毀伐桑柘即依舊條所有  
屋舍家事園林果木任便修採更不坐罪不許陳告亦不給田充賞從之  
九月戶部郎中知制誥夏竦上言諸州例多曠土臣嘗詢問鄉耆皆稱  
舊日逃田許民稅段請佃候耕鑿稍熟牛具有力即于墮畔接續添請是  
以人戶甚便官中又得稅賦自有條貫須全戶請射後來例無大段事力  
之人一起請佃今若許稅段請領之時亦不乞或收放料次情願更添稅

賦其餘荒田漸次接運請射欲乞今日已前應係田及係官荒田經三年已上者許稅段請射于所請田元額稅加十分之二更于次年起稅納仍先許中戶等以下戶請射如有餘者方許豪勢請佃即不得轉將典賣州縣別作簿書主簿逐年具數申奏又恐議者以為百姓揀却沃土久遠拋下官中瘠田不肯與帶請佃且即令逃田二三十年荒廢肥瘠之地空長草萊上無一粒黍稷入官下無一粒收麥濟民未知空守舊章卑有何益利害之際黑白甚明又憲議者以民擇得美田即棄見佃瘠土且國家養民惟恐不富若令百姓盡得良田供得賦稅衣食稍足此合帝王愛民之心利害相萬較然可知從之十月提點開封府界縣領張君平言州縣戶絕沒官莊田官司雖檢估召人承買將佃其有經隔歲月無人承當差檢估之時當職官吏準坊以徵詞訟多焉起估錢以致年深倒榻荒蕪陷失拒抗望降敕選官重估寔價召人承買自今須于細看估不得高起估錢虛係帳籍事下三司相度三司言樞天聖元年七月敕戶絕田今佐書時打量地畝估計屋舍勅使中州委同判幕職再行覈覆檢出榜曉示見佃戶納錢竭產收買只依元額納稅不納租課不得挑畝請佃或見佃戶無力即問地隣地隣不要方許中等以下戶收買價錢限一年納官又九

月敕勅三司言舊債欠官物估價納抵當產業入官除已標充職田收地  
不許收贖外如十五年內本主或子孫親的骨肉却要元納在許依元估  
價錢收贖如十五年外見有人住佃者不令收贖今詳年限稍遠欲乞限  
十年內許本主或親的子孫骨肉收贖限滿不贖郭下廊店物業外鄉村  
庄田舍屋水磴委令伍打量估計結罪申州州差同判或幕職再行檢估出  
榜許人收買如小估虧官許知次第人諭告並科違制之罪公人決配其  
元價沒官奏可令看詳君君平所謂已有上件敕命今欲舉明前敕施行  
從之十一月淮南制置發運使方仲荀言福州官莊與人戶私產田一  
例止納二稅中田畝錢四文米八升下田畝錢三文七分米七升四勺若  
只依例別定租課增起升對經久輸納不易兼從初給帖明言官中却要  
不得占吞臣欲乞以本處寢下田價賣與見佃戶今准詔為知福州胡則  
乞放免官莊課令以分析利害伏緣事理明白望早施行詔屯田員外郎  
辛惟慶乘遞馬往彼與本州出賣不得虧損官司四年六月辛惟慶還言  
臣與本州體量閩峽管十二縣共管官莊一百四熟田十三七百七十五  
頃八十四畝佃戶二萬二千三百人于太平興國五年准勅差朝臣均定  
二稅給帖收執內七縣田中下相半五縣田色低下尋牒州估價及具單

貧人數按見耕種熟田千三百七十五頃共估錢七十五萬貫已賺福州  
出賣送納見錢或金銀依價折納其元管荒田園有後來請墾田者五十  
四頃九畝見今未有人田已賺福州估價召人請佃臣尚寬狡猾之輩別  
啓情俾于名下田園探選肥濃稅輕者請買却退瘠地別致虧官已賺福  
州並須全業收買依勅限三年納錢不收牙稅如佃戶不買却告示隣人  
隣人不買即召諸色人仍令令佐將帳簿報究數目如日前曾將肥土輕  
稅田與豪富人今止瘠地即指揮見佃戶全業收買割過戶籍若佃戶不  
買即將元却肥田一處出賣又按佃戶名亦有僧戶元條僧人不得買田  
已賺州出榜告示詳本主收買或僧人元有官田已却剝戶承佃戶者敢  
執妄生詞說即嚴加勘斷事下三司詳定三司言若依惟慶估定價錢上  
三十五萬餘貫今作三年送納恐見佃戶除二稅外更納田價錢數多欲乞  
特與減放數却添年限許隨才將見錢并但堪供軍金銀納絹依市價  
折納如願一併納足價錢亦聽從便仍令州置籍拘管紐定逐年合拘納  
錢數隨稅追催封樁收時候及數目計綱上京不得別將支破候納錢足  
給戶帖與罪田人執為永業應副差徭初三司據估到錢三分減一分限  
三年納足其合應副差徭亦候三年外監察御史朱諫上言福州屯田耕

田歲久雖有屯田之名父子相承以為已業伏乞量定租課嚴行估賣詔  
如見佃戶內單貧戶承買者令別立寬限惟慶言所紐田錢內單貧戶欲  
更慶限一年從之五年六月三司言準陝西轉運使杜唐言緣遠屯田軍  
馬支費甚多所入課利全然不足伏見沒納欠折戶絕莊田不少自來州  
縣形勢鄉村有力食祿之家假名占佃量出租課臣體量上件鄉村莊田  
人願收買耕佃如有見佃人戶多豪倖之輩只計轄下州軍約得二十八  
萬貫已未若將重錢却虛擡數必是并有承買欲望許選清幹官估計寔  
直價例召人承買已可其三司奏欲乞上件除貫徧下逐路將天聖四年  
已前戶絕莊田依例估計寔價召人承買從之十一月詔江淮兩浙  
荆湖福建廣南州軍舊除私下分田客非時不得起移如主人發遣給與  
憑由方許別住多租主人折勒不放起移自今後客戶起移更不取主人  
憑由須每田收田畢日商量去住各取穩便即不得非時取私起移如是  
主人非攔理欄占許紐縣論詳六年九月河北轉運使楊燾言寔定民  
杜簡等狀稱近年水旱蝗災被豪富之家將生利斛斗倚質桑土事下法  
寺請應委寔災傷倚質者令放債主立便交撥桑土與業主佃待其所取  
錢斛候豐熟日交還如拖欠不還本錢官中催理利息任自私斷自今後

更不得準前因舉取倚質在土貴抑兼并永絕詞訟從之 七年三月詔  
 如聞比來饑民有在沿邊別無親屬莊產可依仰轉運使轉量救恤不令  
 失所或發遣往唐鄧襄汝撥與係官田土牛種安泊仁宗曰此日北邊荒  
 歉流民過來沿邊飢饉至甚雖境外之人然漕天率土皆朕赤子也當與  
 多方賑濟五月龍圖閣學士知密州蔡齊言三司牒戶絕莊田錢未足合  
 納租課者勒令送納直候納足價錢開破若未有人罪者官定租課令請  
 射戶供輸本州自大中祥符八年後戶絕莊七十七戶只有六戶未戶絕  
 已前出課課佃自後依舊納課餘皆荒閑準天聖四年七月五日敕令召  
 人請射只納二稅更不紐課未及一年準天聖五年六月十五日敕差官  
 估計召人承買差未有承買且令見佃人出稅後來本州估賣有四十八  
 戶承買尚有二十九戶未有承買三司累牒催納價錢未足且納租課伏  
 緣人戶請射之初田各荒廢纔入佃時未及一年續許承買催納價錢並  
 是賣牛破產竭力送納未足又更勒納租課一年之內催納三重臣未敢  
 繁行理納兼慮諸處承買莊田錢未足更納租課者亦乞遍下諸處事下  
 三司相度三司言所管所管戶絕莊田不少今若不候錢足便除租課竊  
 慮承買戶故為拖滯不納價錢欲乞自今後未納足錢并未有人承買一

依估價名人承罪限一年內錢足仍將估價及見納租組作十分如納錢  
一分即除落一分組課直候納足方與全免徒之十一月詔州縣逃田  
經十年已上無人歸業見令荒閑者令出榜曉示限百日令本主歸業限  
滿不來許人請射耕佃其歸業並請射人戶並未得立定稅額及令應割  
差徭候及五年于舊額稅賦上特減八分永為定額其月中書門下言竊  
慮上件逃田荒閑年深見有人戶侵耕冒佃將來有人歸請別致爭訟及  
見有稅產人為見寬恩拋棄已田却求請佃逃田欲令三司告示如有侵  
耕者與限百日陳首更不問罪據陳首後耕到熟田頃畝于元稅額上令  
納五分如本主限內歸認給付本戶依此納稅若輒棄已田妄作逃移請  
射逃田許諸色人論告科違制罪押歸舊貫鄉耆不切覺察致有違犯並  
從違制斷遣八年八月七日審刑院言河北天聖八年四月已前俱災場  
逐急與賣與人其四隣逐熟在外不曾會問者如見執文契印稅分明其  
隣人不曾著字却有論怪者官司不得為理並依元契為主從之十二  
月知坊州楊及言氏馬國壯與得馬誕願田計錢六千後添栽三百元  
契每根贖日理三十錢臣詳顯是有力百姓將此栽木厄塞貧民占據地  
土豈可元典六千贖田之日却理錢十千從祖作倖邀勸貧苦永不收贖

如不止絕恐豪猾入戶轉侵孤弱競生詞訟自今後元典地裁本年滿收贖之時兩家商量要即交還價直不要取便所伐業主不得占吝慶歷四年正月二十八日詔自今在官有能興水利課農桑闢田疇增戶口凡有利于農者當議量功績大小比附優劣與改轉或升陟差運或循資家便等第酬獎即須設法勸課不得却致擾民其或陂池不修桑柵不植戶口流亡之處亦當檢察別行降黜仍令轉運使提點刑獄常切糾舉無自曠慢至于省徭役寬賦歛使百姓樂于務農亦所以廣勸民之道也仍令逐處臣僚今後舉奏見任知州通判知縣令佐者並先言有何勸課勞績方與依條理為舉主施行其提點刑獄朝臣并轉運判官今後并帶兼本路勸農一與水利謂陂塘汙田之類及逐處堤堰河渠可備水患者或能創開決或久來廢壞堙塞復能興修或前人已興功未成後來能接續了畢者仰逐處勘會功績大小所利廣狹聞奏一植桑柵令文勸課栽植自有等第數目如土地有所不宜則不必桑柵但榆柳之類隨地所宜可為民利如官員能自相度民力設法勸課不須執守令文內數目並令逐處據本官任內栽種詣寔數聞奏一增戶口部內有逃戶却能招誘復業或有天荒田能招人開耕創立戶貫皆為勞績即不得差人追捕歸業亦

不得強抑人戶開耕以為已耕功令逐處勘會增添到戶數及開耕到地  
土項開闢奏已上勸課功績並於得替日出給解由仍令本屬保明以開  
外并給與公據自廩赴關八月命參知政事賈昌朝領天下農田有利  
害其悉條上之初參知政事范仲淹援唐故事請以輔臣分總其務雖常  
降勅然其後亦弗果行皇祐元年四月二十六日右司諫錢彥遠言農  
桑者生民大事國家急務所以順天養財御水旱制蠻夷之原本也本朝  
自祖宗以來留意尤切故諸路轉運使提點刑獄臣僚知州通判皆帶勸  
農職名授敕詔衙政在督課而近歲徒有虛文初無勸導之實汙萊不闢  
事失因循今欲乞應天下諸州軍于長吏廳各置勸農司以知州為長官  
判官為佐官舉部內幕職州縣清強官一員兼充判官量抽吏人先將部  
內諸縣今日已前見管墾田頃畝戶口數目設墾山澤桑柵溝洫都大之  
數著為帳籍仍開析見有多少逃移人戶賦稅荒廢田畝古之水利俟米  
殘毀者委自勸農官司多方設法勸課招誘安其生業去其大害興其大  
利候至年終農隙轉運司通行比較委隄增得墾田戶口數目或流人在  
占或逃移復業墾墾溝洫有利桑柵廣植溝洫開闢增多賦稅丁口蕃息  
明著版籍不至煩擾者保明舉奏特與就賜章服增其秩祿如一任終始

悉有頭効令轉運司批土厯子到關委所司磨勘超擢任使其判官亦特  
與磨勘引見其轉運使等每循厯州軍先須照檢勸農司訖方得照檢諸  
事如長吏已下因循違慢職業無聞人戶逃移至多墾田之數日削並乞  
除授散官監當判官亦同降黜所貴天下本農生民富饒為萬世之基望  
詔三司檢舉舊賞罰施行 二年九月詔三司唐鄧汝州多曠土其令  
寬立稅限募人墾種之 至和元年三月詔京西民飢其荒田如人占耕  
及七年起稅二分逃田及五年減舊稅三分因災傷逃移而復業者免支  
移折變二年非因災傷者免一年 二年十一月三日詔荆湖廣南路溪  
洞人戶爭給田土雖在務月須理斷了當以上國朝會要 治平四年九  
月二日神宗已即位未改元江南東路轉運司言三司奏池州多逃產年  
深元額稅重人戶不敢請射欲乞其逃田如三十年以上于元稅額上減  
放四分四十年以上減放七分如此候十年其田已成次第即依編勸十  
分內減三分立為永額其三年以下十年以上者自依編勸令三司依此  
施行本司看詳本路及天下似此逃田不少乞施行諸路令人請佃詔並  
從之仍候請佃及十年並令納五分稅及二十年即依編勸納七分稅永  
為定額 十一月三司請出京京東等路戶絕沒納莊田詔內有租佃戶

及五十年者如自收買與于十分價錢內減放三分仍限二年納足餘依  
所請 熙寧元年六月十五日京西提刑徐億言知唐州光祿鄉高賦招  
兩河流民及本州客戶開墾荒田招到外州軍及本州人戶請過逃田又  
與修過陂堰望加息獎有詔褒諭 十二月四日權京西轉運使謝景溫  
言本管汝州戶口至少田土多荒龍興魯山梁華四縣最為凋弊自來請  
田人戶雖有條貫五年內免諸般科役而客戶尚不免諸色役既請田不  
過一二年便為舊戶糾糾須至免役雖有條制諸縣不能遵守民亦不以  
為信以此逃竄者多占田者少今欲乞置墾田務舉官一員專領籍四縣  
荒田召人請射其請田人須勘會係汝州界不走移者方得收管更不隸  
諸縣版籍逐縣既不能統攝則無由差科候五年滿日據地界撥還逐縣  
應副科役其所舉官如招及千戶以上乞優與酬獎仍許再任其辟宇只  
就龍興縣安置如此則為利甚博而費者寡人戶漸可招誘田畝足以墾  
闢詔不置務餘依所請 二年八月十九日中書言黃河北流今已于斷  
所有恩冀以下州軍黃河退背田土頃畝不少深慮權豪之家與民爭占  
及有元舊地主因水荒出外未知歸詣詔河北轉運司應今來北流開墾  
後黃河退背田土並未得客人請射及識認指占聽候朝廷專差朝臣往

復與本處當職官同行標定訖收接請狀紐定租稅均行給受 十一月  
十三日制置三司條例司言乞降農田利害條約付諸路應官吏諸色人  
有能知土地所宜種植之法及可以完復陂湖河港或不可興復只可召  
人耕佃或元無陂塘圩埤堰溝淤而即今可以剏修或水利可及衆而  
無之擅擅或田土去衆用河港不遠爲人地界所隔可以相度均濟疏通  
者但于農田水利事件並許經管勾官或所屬州縣陳述管勾官與本路  
提刑或轉商量或委官探視如是利便即付州縣施行有礙條貫及計工  
浩大或事關數州即奏取旨其言事人並籍定姓名事件候施行訖隨功  
利大小酬獎其興利至大者當議量材錄用內有意在利賈人不希恩澤  
者聽從其便令逐縣各令具本管內有若干荒廢田土仍須詳問荒廢所  
因約度逐段頃畝數目指說著望去處仍具今來合如何擘畫立法可以  
糾合興修召募墾闢各述所見具爲圖籍申送本州本州看詳如有不以  
事理即別委官覆檢各具利害開說牒送管勾官應逐縣並令具管內大  
川溝瀆行流所歸有無淺塞合要濬導及所管陂塘堰埭之類可以取水  
灌溉者有無廢壞合要興修及有無可以增廣勸興之處如有即計度所  
用工料多少合如何出辦或係衆戶即官中作何條約與糾率衆戶不足

即如何擘畫假貸助其闕乏所有大川流水阻節去處接連別州縣地界  
即如何節次尋究施行各述所見具為圖籍申送本州本州詳看詳如有  
不盡事理即別委官覆檢各具利害牒送主管官應逐縣因土遠迫大川  
數經水害或地勢汙下所積聚雨潦須合修築圩埧堤防之數以障水患  
或開導溝洫歸之大川通池積水並計度闊狹高厚溪淺各若干工料立  
之期限令逐年官為提舉人戶量力修築開濬上下相接已工亦充具圖  
籍申送本州本州看詳如有不盡事理即別委官覆檢各具利害牒送管勾  
官所有州縣攢寫都大圖籍合用書華或添雇人書許于不係省頭子錢  
內支給諸色公人如敢緣此起動人戶乞覓錢物並從違制科罪其職重  
者自從重法應據州縣具到圖籍并所陳事狀並委管勾官與提刑或轉  
運商量差官覆檢若事牒稍大即管勾官躬親相度如委便民仍相度其  
知縣縣令實有才能可使辦集即付與施行若一縣不能獨了即委本州  
差官或別選任級協力了當若計浩大或事關數州即奏取旨其有合與  
水利及墾廢田用工至多縣分若知縣縣令不能施行即許申奏對搜或  
別舉官或替下官仍別與合入差遣若本縣事務煩劇兼所興功利浩大  
合添丞佐去處即依今年二月中所降添員指揮別具聞奏應有關墾廢

田興修水利建立堤防修貼圩埧之類工役浩大民力不能給者許受利  
人戶于常年廣惠倉係官錢斛內連狀借貸支用仍依青苗錢例作兩限  
或三限送納如是係官錢斛支借不足亦許州縣勸諭物力人出錢借貸  
依例出息官為置簿及催理諸色人能出財力斛率來戶到修興復農田  
水利經久便民當議隨功利多少酬獎其出財頗多興利至大者即量財才  
錄用應逐縣計度管下合開溝洫工料及興修陂塘圩埧堤堰斗門之類  
事關重衆戶却有人戶不依元限開修及出備名下人工物料有違約束  
者並官為催理外仍許量事理大小科罰錢斛其錢斛官為置簿拘管收  
充本縣衆戶工役支用有科罰等第令管勾官與逐路提刑司以逐處衆  
戶見行科罰條約同共參酌奏請施行應知縣縣令能用新法興修本縣  
農田水利已見次第令管勾官及提刑或轉運使本州長吏深明開奏乞  
朝廷量功積大小與縣運官或升任減年磨勘循資或賜金帛令再任或  
遷差知自來陂塘圩埧堤堰溝洫田土墾廢寂多縣分或充知州通判令  
提舉部內興修農田水利資淺者且令權入其非本縣令佐為本路監司  
管勾官差委誠盡興修如能了當亦量功利大小比類酬獎詔並從之  
三年二月管勾秦鳳路經略司機文字王詔言渭源城下至秦川沿河五

六百里良田不耕者何啻萬頃但自來無錢作本故不能敘利欲每歲常  
于秦州和羅場預價錢三五萬貫作今擇田之膏腴者量地一頃約用錢  
三十千歲收不下三百頃千頃之田三萬貫收三十萬頃以十萬為人牛  
糧用外歲尚完二十一萬頃詔秦鳳路經畧司借支封樁錢三萬貫委王  
詒募人耕種仍預行標撥荒閑地土不得侵擾蕃部如封樁錢已係轉運  
司支借收羅斛斗亦仰先次撥還 四年六月二十四日詔應已行新法  
賺分所根究到荒廢田土約若干頃畝太川大港計若干道陂塘圩埧堤  
堰計若干所先料開濬修築都計若干工每令佐得督月並令具任內學  
畫召募墾闢催督開修過若干數目保與督官令取圖籍抽指交照得定  
方得保明申州出給斛由如有偽妄增加隱落事狀並從違制分故失科  
罪不在去官及赦原之限其知州同判令提刑轉運常切牒究量任內能  
與不能用心勤督候得替日具的寔事件申奏常職量功罪賞罰內有能  
聲重與修功功利大者乞朝廷優與升擢其管內官提刑轉運及本州  
長吏等如明見管內官吏百姓所陳農田利害可以興除妄有沮廢及妄  
冒保明功績朝廷差官察訪得寔並重行降黜亦不在去官及赦原之限  
十月提舉京東常平倉王子淵言臣職事之中在農田尤為先務如本

路濟州有南李壩濮州有馬陵泊等處久為積水所占昨已疏治修復良  
田約四千二百餘頃昨來是秋民間耕種所取菽麥約三二百萬餘碩此  
乃于常歲之外所獲之物散在公私以備飢歲又修導過曹單等九州一  
十三處溝洫河道疏決畿內以來諸處逐年夏秋積潦東入清河等處遂  
入于海無橫流之虞欲乞下諸路提舉司宜以農田水利為首務送司農  
寺寺司勘會近令遍牒諸路相度檢討應係農田水利溝洫河道堤岸斗  
門之類如係人戶備功力起農隙日合行興修去處依時檢討催督興修  
若合差人夫並依元料夫土合聽朝旨差撥春夫者具事狀以聞仍各具  
將來合興修著望緊慢去處并的確利害事狀圖籍申寺纔候下手日逐  
一共報赴寺從之五年重修定方田法八年二月二十八日中書門下  
言諸畸零不成片段田土難已召給役人者依出賣戶絕田產法召人承  
買元豐元年四月十九日詔開廢田興水利建立堤坊修貼圩捍之類  
民力不能給役者聽受利民戶具應用之類每常平鈔穀限二年兩料輸  
足歲出息一分三年五月七日詔止蔡州客戶請射田追收已給關子  
以權提舉京西北路刑獄張復體奏根括民契外地及奪下戶閑田募客  
戶自占境內強優也五年十一月九日都水使者范子淵言自大名抵

乾寧跨十五州河徙地凡七十頃乞募人耕租從之 十二月二日詔前  
察訪荆湖路常平等事司幹當公事段詢減磨勘三年實根括水陸田四  
千一百餘頃也 六年九月十一日知境州劉威信言朱崖軍土脈肥沃  
欲乞委本軍除舊係畧人地不許請射外招誘客戶請係官曠土住家耕  
作仍立賞格激勵從之 八年十月二十五日詔罷方田 哲宗元祐三  
年三月一日詔諸經略司講求護耕之策勿令賊計得行致失春事後命  
鄜延路經略使趙高等審量賊計擬是以聞以夏賊屯集境上陝西河東  
並遣居民往往不敢耕種有妨春事故也 四年二月十三日詔自今應  
瀕河州縣積水占田廢在任官能為民經畫溝畝疏導退出良田一百頃  
已上者並委所屬保明以聞到部日與升半年名次每增一百頃各遞升  
半年名次及一千頃已上者比類取旨酬賞功利大者仍取持旨從刑部  
侍郎范百祿請也 六年九月二十五日詔河東路提刑司將麟府豐州  
曾經西賊劫掠耕牛人戶特許于常年錢內價錢罪牛其所價錢漸次准  
納 紹聖二年三月三日工部言諸黃河棄堤退灘地土堪耕種者召人  
戶歸業限滿不來立定租稅召土居五等人戶結保通家業遞相安保承  
佃每不得過二頃論如盜耕退復田法追理欺隱稅租外其地並給告人

仍給賞徙之 七月二十八日提點京西北路刑獄徐君平言提點官與  
監司舊帶勸農者乞據所部分巡州縣括其地之不墾開周知項畝縣為  
圖籍詢究其弊之所在為救之之術徙之同日知鄭州李湜言興修農田  
水利乞送詳定重修敕令所看詳編修徙之 徽宗崇寧三年十一月三  
日詔新差權發遣廣南東路轉運判官公事王覺遷一官以墾闢農田幾  
及萬頃故也 四年二月十六日後頒方田法詳見方田門 大觀三年  
二月十二日提舉廣南西路常平等事洪彥昇言廣西郡縣地廣人稀原  
隰沃壤甚有可耕之壤加之蠻夷附順墾土斥遠倉廩儲峙尤資經畫以  
致充羨欲乞募民給地使耕墾官若私舉行價貸應副開墾俟其既墾三  
年而徵量起稅租漸償宿貸彼將安土樂業可使地無遺利亦募民寔造  
之意徙之 四年三月二十八日詔宣州太平州圩田並近年所作多是  
上等及官戶借力假土人名籍請射修園今已成田認納租稅多為姦猾  
告訐因而成訟可令本路提舉司下所屬州縣將應有假名人並許自陳  
特與改正充本戶永業其租稅等並依額送納 四月二十七日詔自春  
以來併得膏澤方今孟夏天氣晴和田塋穀麥眾務方興農民竭力田疇  
一歲之功併在此時深慮州縣之吏拘以微文繁其細罪追呼證辦株連

枝葉或不急與不急工作或趣未嘗久負拘繫監錮致妨一時耕作而失  
終歲之功宜遍委諸監司明加申教州縣官各養省事息民無奪其時以  
稱愛民厚農之意如違監司走馬舉劾以聞 政和元年三月七日詔監  
司勸率守令督責編戶植桑柘廣蠶利以豐織維基本任滿比較賞罰四  
月四日臣僚言近歲諸路監司列郡守臣每于中夏農事方興纔見雨澤  
應時則未足言足未種言種使指為禾稼豐穰秋成可望願立法禁詔諸  
路州郡守臣各務勸農之寔不得預言豐登之欺從之 五日詔士大夫  
與民爭利多占膏腴之地已有令文令監司常切檢舉 二十四日臣僚  
言郡守同通判轉運使副提點刑獄繫街必帶勸農事近制又並縣令亦  
以管勾勸農公事為銜考課之法援有農桑墾植之寔官吏不能上牒  
愛民之意其所急者特在于催課稅入簿書獄訟而已欲責守令職事以  
勸農為先務春則耕視風土氣候之早晚以督課之中下之民種食不  
足即依常平放稅七分之法借貸以補之秋則視歲入之豐儉審其播種  
貸助亦如上法轉運使副提點刑獄即巡歷所至察守令勸農之勤惰嚴  
取三數人竄優劣以聞重行升黜如此則莫敢苟簡以副陛下封植基本  
之意詔可詳據所陳精密立法以責寔効 五月二十二日詔耕桑乃水

食之源所伐桑柘未有法禁宜立約束施行 二十七日臣僚言天下係  
官田產在常平司有出賣法如折納抵當戶絕之類是也在轉運司有請  
佃法天荒逃田首莊之類是也自餘閑田名類非一往往荒廢不耕雖間  
有出賣請佃之人又為豪右之侵冒輸官租賦十無一二欺弊百出理難  
齊一其請佃人戶又以經係官田不加墾闢遂使民無永業官失主戶公  
私利害所繫非輕乞命官總領條畫以聞詔范坦總領措置 六月六日  
戶部侍郎范坦奏奉詔認領措置出賣係官田產欲差徒舉常平司提刑  
官專加提舉管勾出賣凡應割河防沿邊招募弓箭手或屯田之類並存  
留凡市易抵當折納籍沒常平戶絕天荒廢莊廢官職田江漲沙田棄堤  
退灘瀕江河湖海自生蘆葦荻場圩埤湖田之類並出賣從之 七月二  
十日臣僚言私荒田法聽典賣與親寺多以膏腴田土括作荒廢官司不  
察而民田水旱歲一不登人力不繼即至荒廢親寺得之無復更入民間  
為農者受其弊欲除官荒田許親寺請佃外餘並不許典賣從之 九月  
十二日戶部言欲自今應命官或諸色人陳述農田水利令本州日下開  
具中部從本部置籍如可興修令所屬依給聖條法一面興修提舉官因  
巡歷所至詢訪講究施行所貴地無遺利從之 十四日總領措置官田

所奏檢會熙寧二年拾一月二十四日朝旨制置三司條例奏出賣廢惠  
舊田土其所委逐項提舉官催趣出賣如一年內賣及三萬貫減一年七  
萬貫減二年十萬貫減三年磨勘欲以類熙寧年指揮所委監司官一路  
州縣合賣田舍價錢數目如于一年內賣及七分與轉一官六分減三年  
磨勘五分減二年磨勘其出賣不及五分之處亦依已降指揮從本所劾  
奏勸庶幾有以激勸詔諸路係官田舍平日多為豪右侵冒有虧邦計今  
果出賣項畝間緣萬數不少所委官吏若不明勸賞則無以激勸使能吏  
志力幹辦可並依所奏施行十月二十日總領措置官田所言提舉河  
北西路常平王觀奏相州見估賣官田內有元餘白地因人戶承佃後來  
栽種到桑棗果木之類地段並合酬佃人功力估價出賣看詳欲人戶見  
承佃合賣官田如內有種植材木並令估官牒究詣定別作一項估價與  
所賣田土一處依法占人承買候出買了當將來木價錢給還元栽人戶  
若係見佃人承買即止納買地價錢從之二十二日總領措置官田所  
言元奏請存留屯田為河北陝西河東事干邊防利害去處不可去賣差  
自餘路分雖有屯田之名從來止是令人戶出租佃蒔頭與其他名色官  
田事牒一般即非事干邊防亦合出賣從之十二月六日手詔應京畿

諸路按察官于所部守土倚廨縣令于境內歲終耕歛並須親詣田疇  
勸沮勸惰以為力耕之倡其工化聞賦入登民無流移者為考課之策仍  
令尚書省檢校具祖宗故事頒降 二年四月十七日詔曰祖宗以來田  
之在公者為屯田為官莊養民兵居熟戶于以伙助經費漸漸遺郵神考  
置常平之官修水土之政方天下之田以正經界庶幾乎復古矣續而成  
之以紹先烈定今日<sup>在</sup>廼者有司建言係官田宅一切膏鬻苟目前之利廢  
長久之策厚實流姦民以煩擾豪強兼并佃戶失業東南闕于上供瘠薄  
棄而不售以義理財豈謂是歟昨范坦所上贖官田宅畫一可更不施行  
總領措置官吏並罷已贖田宅並給還元納價直其田宅却拘收入官元  
佃貧人戶願依舊佃賃者聽餘並遵依元豐令施行 二十二日臣僚言  
伏聞已降指揮罷賣係官田宅若不事為之制却恐重有使漁其間如已  
交業之家見已布種或已修蓋舍屋理當逐一措置行下詔舍屋已經改  
更但課利虧損額者俱免仍舊修蓋官田已修蓋地安葬保者驗定申官  
許令據合用步畝收買與免遷徙 政和六年五月二十九日尚書省言  
新使鄧州司戶曹事畢昂奏竊見自來諸處所多是所屬尋常不切照  
管到水漲之時常有決溢公私被害不細縣官任滿別無貶虞雖許免試

宣和二年

一次緣賞與尚輕及水有決溢新罪之法欲望重立賞罰仍于逐縣令佐  
衙內添入專切管幹行岍字其報行去處亦已並禁旗探以固堤防詔令  
尚書省立法今擬立下條管幹行岍團岍官任內修葺勞固不致隨損墮  
塞者三年任滿承務郎以上減磨勘一年承直郎以下占財差遣一次二  
年以上移管者承務郎以上與家便差遣承直以下陞一年名次從之  
八年四月五日權准南江浙荆湖制置發運使任詔奏逃田不耕除閭稅  
賦情弊多端其間有人戶買佃而不納稅祖者有雖供稅而買佃不出租  
者亦有逃戶雖有歸業而尚不供輸者亦有荒蕪無人耕種者高郵軍計  
有逃田四百四十六頃楚州有九百七十四頃泰州有五百二十七頃平江  
府有四百九十七頃以六路計之何可勝數欲諸縣專選官一員按籍根  
括限一季許首並與免罪收入帳簿依舊輸納稅租限滿不首即許人告  
賞錢一百貫以犯事家財充其荒蕪無人耕佃者即多方招誘逃戶歸業  
及休條召人請時檢量頃畝立定四至給付乃取隣田中等稅數減半為  
額與免十料催料所費逃田無不耕種詔逃田可專委縣丞典縣丞處委  
他官餘並從之 宣和元年八月二十四日農田所奏應浙西州縣團今  
來積減還露出田土乞每縣選委水利司詣曉農田文武官同與知伍分

詣鄉村檢視標記除出戶已業外其餘逐年逃田天荒田草蕪荒蕩及  
湖濶通灘沙墜等處並行量步畝立四至坐落著望鄉村每園以千字文  
為號置簿拘籍以田隣見納租課比據量減分數出榜限一百日召人實  
封投狀添租請佃限滿折封給租多之人每戶給戶帖一紙開具所佃田  
色步畝四至著望應納租課如將來典賣聽依係籍田法請買印契書填  
交易徙之 二年二月二十六日臣僚言太平日久民有惰心為監司守  
令者雖有勸農之名而不考其實為提舉常平縣丞者雖有農田水利之  
職而不舉其事以未嘗覈其實而已覈其實之道在于四證所謂四證者  
按田萊荒治之跡較戶產登降之籍驗米穀貴賤之價考租賦盈虧之數  
以覈勸課與不勸課之實制詔天下縣以農時分輪守或行縣有荒而不治者罰及令丞監  
不治者罰及隣保部以農時分輪守或行縣有荒而不治者罰及令丞監  
司以農時因循巡歷行部有荒而不治者罰及守或以覈田萊荒治之實  
又詔監司每歲終取州縣戶產登降米穀貴賤租賦盈虧之數司具奏聞  
內參酌最優劣兩處具守或令坐乞如賞罰尚書省類天下奏較最優劣兩  
路取旨以為監司賞罰以覈三者之實詔中書省勘當取旨 三年二月  
一日詔越州鑑湖明州廣德湖自措置為田下流湮塞有妨灌溉致失陷

常賦又請佃人多是親舊權勢之家廣占頃畝公肆請求兩州被害民戶  
例多流徙仰陳可伯縣究詣定如所納租稅過重即相度減免立為中制  
應妨流徙流家至當施以予民今除重園上取旨毋得觀望減裂 閏五  
月十三日詔盜起二浙延及江東內被焚劫民戶租佃私田如係于掌業  
人處借貸種糧牛具之類者止合量減二分疾速申明行下 十月二日  
詔江東親置圩田如上流興築閉塞水源致向下民田無以灌溉或墮迫  
發泄使鄰近者反假水患令所屬監司按視改正 十二日河北轉運副  
使呂頤浩言近奉詔等事司應管州縣田土及房廊並委臣拘催租賦課  
利每年共收錢斛等約二十餘萬貫石匹未佃田土一路共二千一十一  
頃除不住墾者名入承佃外若非墾縣令佐協力幹辦則上件地上空閑  
虧失租課契勘濱州詔安縣見今空閑八百六十五畝東麗縣空閑四百  
九十二頃尋奏請乞特降審音處分將詔安東麗縣今佐許臣踏逐有心  
力人奏差一次內京朝官督見任人成資關運人督年滿跌從之 十二  
月二十四日詔罷方田 七年八月七日前兩浙路提點刑獄胡憲奏二浙  
向緣草寇驚劫溫台處婺等州各有逃絕戶拋下田土歲年之後皆為有  
力之家請射欲乞令百姓寔封投狀請射限一月開拆給與租課寢多之

人于公寔利便從之  
以上續國朝會要

宋會要

食貨二十三

農田錢耕農田二高宗建炎元年五月一日敕人戶置買耕牛推免稅錢一  
年二年三月二十六日臣僚言伏請國史編見太宗朝宋毫等州耕牛  
闕乏太子中允武成獻踏犁式用四五人可以耕稼至貞宗景德中因河  
北耕牛不足又降此式付轉運司頒行緣不曾盡載制度止云自尚方造  
樣宋州冶鑄給散今宋州縣正闕耕牛乞下諸路轉運司詢訪講求舊制  
施行詔令諸路轉運取索以聞紹興元年九月十八日赦民間耕牛累年  
以來屢遭兵火宰殺殆盡應曾經殘破州縣人戶典買耕牛特與免納稅  
錢一年其客旅興販經由去處依此二年九月四日四年九月十五日  
赦同此制二年三月二十二日詔昨招誘淮東八郡人戶佃戶並免二年  
稅租將來合行催納之歲可止據當年已種頃畝計數徵納其後逐年添  
屋墾闢到田畝亦據實數添納庶得人戶曉然易以安業如或州縣過數  
催納並科違制之罪仍許人戶越訴四月十日秘書監監傅崧卿言昨  
承指揮於雅貨務支降見錢五萬貫充淮東人戶借貸收買牛具緣本路  
牛畜價高欲分遣官前去兩浙路收買從之五月二十六日臣寮言浙

西水災乞戒飭被水州縣長吏以勸農為急今及時車戽積水扶植稻苗  
或貧富相資再行布種詔差刑部郎官張宗臣前去措置 六月十八日  
江南東路安撫大使李光言廣德縣見管逃田八百餘頃方措置勸誘人  
戶分戶佃種緣常賦比他處已為差重若便依建炎四年十月七日佃戶  
法候秋成日除納官拘收外止給五分安實為便於民深慮無人請佃轉  
見荒閑欲將應承佃閑田及歸業之人將見納租稅先免本年秋料一料  
自次年為始依請佃法別免一料催科只理正稅庶寬民力有人承佃從  
之 七月十七日樞密院計議官薛徽言被旨體問得明州廣德湖田元  
分三等計管五百七十五頃九十九畝每畝納租米三斗二升通計一萬  
八千四百三十一石六斗八升緣開墾之初不問肥瘠高仰深淺一等亡  
租其上中二等皆權勢之家請佃下等多是不曾耕種所得不足輸官往  
往抑勒貧民承認分種歲久為害除中等租課更不增損外內上等別無  
二稅和買委是太優今欲每畝量增八升其下等合納租欲令豁退所增  
上等田米其餘乞委官相視內低田即廢為湖澤依舊積水灌溉其遠湖  
深澆可更以植芡即為芡地量立租錢其間尚有堪種田畝却立為下等  
將豁退不盡米四百六十四石六斗四升拘收補足元數乞施行尚書省

北送知明州陳戩與本路提刑司同共子細措置戩等言相度到逐項事  
理委是經久利便從之 十二月二十一日權發遣太平府許端夫言招  
誘人戶歸業趁時布種收到苗米九萬四千餘石詔轉運司覈實取此推  
賞 三年二月二十八日詔應有官圩田州縣通判於銜位帶兼提舉圩  
田知縣帶兼主管圩田每歲不得使有荒閑委監司以舊額立定租插石  
斗盡收以充軍餉四月二十二日工部侍郎李樞言今東北之民流徙者  
者衆東南乘田疇者多平江有湖浸相連膳岸久廢近或十年遠或二十  
年未嘗有人疏導者有地力素薄廢為草萊漲潦之餘常若沮洳未嘗有  
人耕墾者悉號逃田委通判與縣令同往相視召問父老為水所居可以  
疏導若干平薄之地可以耕墾若干各開具某處及頃畝多寡揭榜以招  
誘東北流徙之民入狀請射縣給種本與免三歲之租仍別立租額以寬  
之仍委監司覆按除其舊額從之 十月七日江南東西路宣諭劉大中  
言欲將江東西路應干閑田立三等課租上等每畝令納米一斗五升中  
等一斗下等七升更不須臨時增減但令州縣開具籍定田色召人請佃  
據佃頃畝等第出給公據如係未經籍定田土限當日勘給承佃免兩料  
催科外自起催日令納租課更不別納二稅詔下戶部本部欲下轉運司

參酌所立租課比較夏秋兩料稅額別無虧損即依遵等所定數目召人承佃若干稅額加有減損即依舊來稅額輸納從之十一月九日吏部貢外郎劉大中言所乞將江南兩路應干閑田立三等租課今民承佃已蒙下本路轉運司參酌比較若干稅額却有減損即依舊來稅額輸納進絕閑田在法自合立租召人請佃緣江南累經兵火田多荒閑有人戶元因稅重或曾經典賣田產虛耗推割未盡稅苗輸納不前遂至拋棄田業逃移在外今若令依舊來稅額輸納全不減損委是無人願佃愈見失陷財賦詔令江南東西路轉運司自令降指揮到日應應未佃閑田依例大中立定三等租課召人請佃候滿三年即依元稅額送納所有閑田元地主積欠租稅即不得于佃人名下催理其日後進佃田土依今年十月七日指揮照應稅額輸納四年二月十三日通判建康府吳若言本府管下永豐圩舊管田九百五十餘頃以前之事不可悉數且以紹興二年客戶熟田計之有二百九十七頃而去年却止有二百六十餘頃去年合增而反減者蓋緣此圩舊例止是令客戶納穀在倉官自難賣變轉自去年都督府差官須要民戶春麥苗米又勒客戶甲頭等起發故客戶有逃田者所以墾田減少此圩四至相去皆五六十里今止有兩貢使臣監管如

得更差文臣兩員湊作四人分為四管適相銓束立為比較則歲所增入  
自當有餘望以此圩專付本府依舊例措置都省勘會紹興三年七月九  
日當有餘望永豐圩田並撥隸建康府聽一面措置每年止以米三萬石  
為額仍自來年為始認起熟田米二萬石內生荒田俟勸行開耕與免一  
年自紹興五年依額起發詔永豐圩田客戶納穀官自糶賣變轉仰依舊  
例施行餘並依所乞是歲四月三十日詔永豐圩撥隸本路提刑司監  
官徙朝廷于京朝官內選差二十五日權知泗州徐宗誠言淮南兩路  
兵火之後蒙恩寬卹如民戶置耕牛並限一年免納稅錢近來復業之民  
方能報納錢物往江南收買而限已滿乞下諸路更與免納稅錢一年從  
之三月六日詔淮南租稅與量度理納年限戶部言淮南佃田人戶依  
紹興二年二月十五日指揮每畝逐年出納課子五升仍自承佃後免納  
二年並歸業自佃已田之民依紹興二年二月十七日指揮亦與免納稅  
租二年今欲下本路轉運司將人戶稅租更與免納一年從之六月二  
日新差權發還廬州仇愈言乞支降錢買牛借與歸業人戶責限還  
本庶幾接濟貧民以廣耕殖詔借支錢一萬貫六年十二月一日德音  
壽春府及濠州定遠縣一帶曾經賊馬蹂踐民間耕牛多被殺虜已降指

揮令營田廣行支撥委自守令借給人民耕種免納租課俟收成日分作  
五年還納價錢竊慮州縣散給邀阻不及貧下人戶或巧作名目別有指  
歇仰本路營田使嚴行覺察如有違犯據劾聞奏七年正月七日詔淮  
甸復業民戶並令守令安頓撫養躬勸農桑不得輒有科敷擾擾如違仰  
帥臣并提點淮南兩路公事官按劾聞奏十年二月十七日臣察言淮  
甸諸州累經兵火賊馬屯泊良田為曠土桑柘為新植比歲民稍歸業漸  
耕墾惟是桑柘全未栽植緣無賞罰守令視為餘事願詔守令勸誘農民  
栽種桑柘仍乞示賞罰以勸懲之詔依仍仰本路監司每歲具最多最少  
去歲取旨賞罰十一年三月七日詔壽春府廬州濠滁和舒州無為軍曾  
經賊為民間耕牛多被殺虜可委江浙常平司支撥常平錢收買耕牛  
交付淮南常平司給與州縣借給人戶耕種免納租課候及三年外分限  
還納價錢內貧乏之戶不能自存者依常平法賑給一季其闕乏種糧之  
家亦與借貸分寬限還納其合用種糧就近於江浙常平司支撥應到具數  
以聞十二年九月十三日敕累降指揮禁殺耕牛州縣或不奏行縱令  
宰殺或僅拊到官審驗因緣搔擾仰今後只依法勒看保驗定中官不  
得違呼至妨農務又今歲緣牛疫民間少闕耕牛應人戶典賣耕牛特與

免納稅租一年客旅與販處准此廣西湖南福建江浙起發耕牛偶因暑  
月疫病致死可令所屬勘驗如有官司干照見得別無私弊者保明符與  
除放十五年閏十一月十三日司農寺主簿宋敦朴言州縣守令民之  
師帥雖有勸農之名而因循曠廢望令州縣守令以耒耜耕籍之徵親出  
郊外名近郊父老勞以飲酒諭以天子親耕勸率之誠俾四方萬里之外  
曉然知陛下之德意仍乞申戒每歲之春常修舉勸農職事如或奉承弗  
虔因而搔擾仰監司按劾以示懲誡焉上宣諭曰農者天下之本守令有  
勸農之名而無勸農之實徒為文具何益于事可依所奏以風四方十  
六年八月十八日利州觀察使知成州王彥言本州自兵火之後荒田多  
是召人請射耕墾其佃戶于所給頃畝之外往往侵耕無賴之徒經官告  
訴將所侵給與告人充賞仍追理每年冒佃之數致使効力之人因而失  
所欲望將人戶侵占立限經所屬自陳差官審寔添租改正仍免追理冒  
佃租課如限滿不首許人告徙之十九年七月二十四日權知漢陽軍趙  
達之言湖北荒田今逐州軍召人租佃貧者借種糧許依人戶復業之制  
寬免稅役候料次足日取旨量行輸納仍乞嚴禁官吏不得擅有差役搔  
擾庶安俗樂業有勸耕之漸詔令戶部行下本路帥臣監司同共措置

二十六年三月二十八日戶部言京西淮南保官開田多係膏腴之地蓋  
為人戶初年開墾費用浩大又放免課子年限不遠是致少人請佃今欲  
轉運司行所部州縣多出文榜招誘不以有無拘礙之人並許踏逐指射  
請佃不限頃畝給先投狀之人其租課依紹興七年十一月<sup>放</sup>選納指揮送  
納自承佃後沿邊州縣與免租課十年近裏次邊州縣與免五年仍依已  
降指揮候承佃及三年與免已業計行典賣及令州縣將本府官錢買牛  
具種粮應副佃人三年之外每年還納價直入官二分入官又四川州縣  
地狹人稠欲令制置司行下逐路轉運司多出文榜曉諭如願往京西請  
佃開墾官田即時給據津發前去其放免租課等並準此施行上曰如此  
甚善但窮民下戶乍來請佃荒田如何使得牛具并種粮若不從官中借  
貸恐未免為虛文終是開墾稀少今後便令官中假貸可行下諸處相度  
於合支錢內支破況該曰此陛下卹民無所不用其至臣等敢不遵依行  
下 四月十七日秘書少監楊椿言乞詔湖北一路凡字民之官以招誘  
戶口開墾田疇立為課最歲終州保明申監司監司保明申省部取其能  
者賞之其不職者罰之上曰已令勸誘四川農民任人止聽許指射更不  
借支請給其請給今後並於係省錢米內支撥不得借支常平錢米兼元

至湖主及經  
署其官即  
前及兩悅

降指揮止耕荒田即不得將已耕佃熟田一例指揮使之同日權發還  
兩浙路轉運使趙子淵言被旨措置鎮江府沙田乞選委官檢踏打量取  
見的實項數目措置各隨田地肥瘠高下輕立租課就今見租火客耕  
種專委知縣拘收椿管如形勢之家尚敢占奪否不即交割即具名聞奏  
取旨施行所有以前違法占種人戶收過租課合盡行追納入官詔依內  
人戶冒佃積年收過租課特免追納其田疾速拘收措置施行 二十八  
年正月二十二日時上謂輔臣曰江淮沙田為人冒占所失官課至多然  
議者謂拘收入官固有目前之利數年之後恐更費力不若令見占人且  
行管佃淨認租課為便又沿江蘆場遺利亦不少從來官司有失檢察宜  
于行在差官同逐路漕臣措置施行于是詔差戶部郎中莫濛同逐路漕  
臣檢踏中尚書省取旨 二月二十二日詔已差莫濛同三路漕臣措置  
沙田蘆場止為形勢之家詭名冒占其第三等以下人戶即不合一例根  
括如內有元無契要及侵占之數合要逐州縣官取見著寔候收成了日  
運司別行差官打量審覆施行 五月十一日詔打量到沙田蘆場內淮  
東路人戶檢尋契要未備可令轉運司行天下通太真楊州民至湖外耕  
鑿官給牛具若賞罰自不可廢椿對曰誠如 聖諭 二十七年五月十

一日中書門下省言軍中揀選人或有死亡州軍不知請給其妻其子遂  
為窮民已許指射荒閑田耕種支與一年請給令買牛種免租稅丁役使  
為永業今欲准東淮西江東江西湖北京西下逐州委知通知縣及逐路  
委常平提舉官括青形勢戶及民戶見任官占據沒官逃移等田已未耕  
墾各若干頃畝限半月開具申尚書省遇有指射荒田請佃人州縣日下  
標撥并合文請給于常平錢內併支令州縣量度資給即農具亦仰借助  
仍官為修蓋草席屋應副居止以便耕種其見任差違者除所支一年請  
給外其未滿日月者與接續批勘已任滿人布種之後如闕食用令州縣  
於常平米內量度借支候收成日分限還納若將來耕種就緒願增添請  
射者聽若所安官及州縣措置有方請佃數多去處取旨升擢從之七月  
十四日中書省言淮東等處有揀汰軍人願請佃荒田開耕人數各已標  
撥及支破請給單詔令諸路遇有請佃人依淮東事理施行優加存卹  
十二月三日戶部言揀汰離軍人許指射荒田恐係初離軍人遽罷請給  
所以存卹其累經任人不合一例借支欲下諸州軍照會將小使臣以下  
初離軍人指揮偕文請給修武郎以上及經限半年齎契要公據赴縣點  
對開具保明申州州中轉運司覆實具申尚書省當與除豁其租稅具令

依舊額送納候覆定畢取旨立額如限內不齊契要公據到官不在除豁  
之數 十八日詔淮東路沙田蘆場已降指揮立半年限照契覆定竊慮  
本路人戶無業未久可特與免並令依舊 六月二十六日詔三路沙田  
蘆場盡係官地已降指揮打量量立租課內淮東路人戶為恐復業未久  
已行放免朝廷措置之意本以寬民浙西江東民戶亦宜一體優卹其官  
戶形勢之家違法占田頃畝過多者即難以一概放免可將三路官戶自  
一千畝以下民戶自二十畝以下並特與放免餘並依元降指揮添納租  
課內淮南路由來年秋料起催 九月二十四日知鼎州周擴言諸軍揀  
罷離軍使臣許請佃官田借支一年請受收買耕牛農具又招置客戶等  
已是優卹自當以時耕種如聞多將所請錢別作他用恐失歲計更致根  
須詔依令戶部行下諸路監司守令勸諭約束仍常切覺察如日後更不  
耕種即將元請佃官田拘收并追索借過錢入官其逃竄人立賞告捉以  
所請過官錢計贓斷罪施行 十月七日直敷文閣知臨安府張偁言江  
浙之間耕植既廣畝畝相連高下不一必積限塘以備灌溉導溝洫以防  
壅浸此衆共之利而豪勢之家侵奪占據奄為已有欲望申飭州縣凡有  
似此之類官為檢察有防灌溉疏導處悉行禁約從之 二十九年十一

月二十三日領御前軍都統制職事充利州西路安撫使判興州吳璘總  
領四川財賦軍馬錢糧許尹言階州高山不堪耕種田土增起租斛欲乞  
除免却將續拘收到係官空閑田土召人立租請佃拘催租課入官可以  
補填從之十二月二十六日知潭州魏良臣言本州人戶昨因兵火歸  
業將本戶產業供作荒田今二十餘年松下耕熟不納官課今措置令十  
餘家結為一甲從寔供具已耕田畝輸納二稅自紹興三十年為始所有  
日前隱匿熟田漏納苗稅並免追納如所供不寔即令諸色人告首以所  
告田充賞外仍每畝支賞錢五貫文至一百貫文止於犯人名下追理仍  
追理逐年所隱苗稅如本戶寔有荒田無力耕種即曉示人戶令寔封投  
狀承買給與價高之人湖北江西等路亦合<sup>依</sup>此于是戶部言田產既系  
人戶已業緣非冒占官產即無條法許行出賣若依已降指揮追納歲稅  
賦年限已滿自合據本戶寔管田畝起理稅賦乞將已耕田土結甲從寔  
供具供起納二稅欲令本州立限百日許人戶自首如限滿不首或首不  
盡許人陳告依匿稅法施行從之三十年二月二十七日權知廬州兼  
主管淮南西路安撫司公事劉綱言被旨與逐路帥漕同共講究兩淮荆  
襄使無曠土以聞近日淮西運判張祁遷氏于近江和州無為軍修補圩

所濬沽港潰起蓋屋宇置辦牛具分田給種使之就耕見招募遊手之人  
欲立地分相繼開墾若行之經久必有成效兼淮東運副魏安行所乞募  
民種田修立賞格與現行措置事體相類亦與前撥力田等及州縣召人請  
佃之法俱不相妨欲從民欲施行其措置事理與見行召人請佃及力田  
等舊法通同參酌各從民欲施行其本路州縣鄉村日後應有歸復本業  
者請佃田土之人每至歲終即行根括便于本地分總首團甲下收附姓  
名詔依令同張祁參酌措置季具勘誘墾廣數目申尚書省 二十八日  
戶部言欲乞下淮南京西荆湖路轉運司除土著逃亡歸業人戶自合依  
條等第年限放免租稅外其請佃官荒閑田如有逃亡于他處別行請佃  
之人令本縣籍記姓名只許一次歸業外餘并一依再逃亡不許歸業條  
法施行如限滿依前冒濫及通同作弊立賞許人陳告犯人重行斬遣仍  
將免遞稅租並行追理入官詔令逐路帥漕司曉諭 三月四日權發還  
淮南路計度轉運司副使魏安行言原旨招募人戶開耕淮東係官閑田緣  
今來勸耕之初荒田數目浩瀚欲依鄉原體例創開水陸田每縣支撥一  
萬貫文本略七州軍二十縣欲望將本路合起發上供經總制等錢內應  
副詔於淮東茶鹽司攝管錢內支撥一十萬應副 十二月二十二日

上謂輔臣曰朕比屢諭鄉等須是先立規摹如一夫合受田多少以請路  
括到荒閑田元佃耕牛若干于何地招置中賣下至農具糧種廬舍之類  
當令悉有條理規摹既定方可行下茲大事也經使始勿亟靡毋後未更  
改之弊不可以一夫獻言便據行出要當博采物議作事謀始尤宜審詳  
陳康伯奏曰臣等當遵聖訓候詣路申到頃畝數目別條具奏陳上曰甚  
善三十一年正月五日臣察言軍中揀汰使臣軍員最為冗濫州軍應  
副請給動以萬計若歸吏部等衙門次亦是人衆今欲行下諸州契勘本  
庭揀汰使臣軍員各若干人數計請給若干將本州實不盡應于官田約  
計請給多寡撥田畝付逐人為業許指射養之終身更不支破請給亦不  
更注授差違如令人身改許子孫接續承佃並依人戶承佃條法詔令兵  
部同共措置條具以聞其後戶部言添差揀汰使臣并校副尉下班祇令  
養老軍員今欲遍之諸州軍許指射官田仍委守倅取見賣不盡應于沃  
官田產徙輕估價衆同標撥以一年請衣糧請給組計價數合得頃畝給  
付為業若後米平人身故給與子孫承佃逐路專委漕臣一員催促標撥  
至籍限今年歲終須管標撥盡絕仍開具已標撥過職位姓名田畝開報  
常平司依常平法借貸擅糶牛具或有州軍員多田少云處即行開具以

聞其逐州軍所撥田去土須管將鄉村比近田段品格肥濃瘠連高下以  
十字文為號每一百畝作一號鼠尾排定注籍訖徙上撥與先到州軍公  
參籍定之人如合給田三十畝已上即行拆號標撥五十畝如合給七十  
畝已上令撥一百畝若標撥給田便行住罷請給竊慮因而失所今欲令  
諸路軍州且行按月支破請給候所給田土耕種收成于利及一年住又  
所借種糧硃及三年隨料帶納淮南南京西湖北等路及後來添差硃汰使  
臣亦合依此如軍州內有率先標撥了當云處仰本路轉運司保明推賞  
若一路首先標撥其轉運司亦當推賞或有未便未盡事節即從本州軍  
申轉司條具申請施行今欲下兩浙江東西福建廣東西湖南北京西淮  
南東西路轉運提刑提舉常平司并逐路州軍依令來措置事事理施行  
詔令中書門下後省官同臺諫詳議聞奏給事中祖舜中書舍人虞允  
文殿中侍御史杜莘老右司諫梁仲敏議曰諸郡常入之賦歲有定名諸  
軍陳汰之兵歲有增數以定名之賦給增數之兵歲月益深財力日以屈  
而兵之仰食者有時而不贍矣若如議者所課紐其衣糧請給計其價而  
給之田所贍者不過數十人其坐而仰衣糧者尚千餘人不獨事難  
不一勞逸又不均謂宜下有司將具不盡係官田戶絕及寺觀無主田并

僧道違法田畝行拘收又將日沒官田歲行抄籍以待兵田之數相當而後施行可無不足不均之患詔令吏兵部長貳參酌給舍臺諫所議事理重別措置條具以聞三十二年二月二十二日臣寮言乞下寬大之詔立時月之期俾民間見耕之田有出於元請之數者皆得自參酌以與之其積年之資一切蠲免止候其陳訴之田定輸賦之額非獨小民侵侵奪之患彼毫強肆者所侵漸之田亦不敢欺詔令戶部看詳其後戶部言今看詳湖北荆湖南京西運司行下所部州縣將人戶請佃包占隱匿過田畝依湖北已得指揮立限一季許行自陳與免追理積年租稅及免斷罪如限滿不首許人陳告官與檢量將包占數給與告人充賞仍追積年租稅斷罪所有今來湖北路人戶已是限滿切慮其間有未曾陳首之人并下湖北路轉運司再立限一季依已降指揮陳首施行從之孝宗隆興二年十二月十六日德音楚淦濠廬光州盱眙光化軍管內并楊成西和州襄陽德安府信陽高郵軍勘會歸業人戶內有貧乏之人闕少牛具糧糧恐妨農務可令監司帥臣同常平司量度借貸免納租課後及三年分作兩料帶納不得格息乾道元年正月二十一日詔兩淮民戶並已復業宜先勸課農桑若不稍優其賞竊慮無緣就緒應縣令至於本縣界

內種桑及三萬株承務郎以上減磨勘二年承直郎以下循一資六萬株承務郎以上減磨勘四年承直郎以下循兩資並與占射守俸勸課部內種二十萬株以上轉一官種及一年許民戶租佃五年後量立租課不得科擾應守俸令丞賞格任滿本路轉運司覈寔聞奏既而三省言已降指揮兩淮民戶令監司帥臣督責守俸令丞課勸農桑竊慮民戶恐輸納租課未肯用心種植有失課農之意詔令兩淮監司帥守遵依已降指揮督責守俸令丞多方勸諭民戶廣行種植依已定年限免納租稅如栽種及格即保明推賞施行上宣諭宰執曰嘗降指揮令淮南栽植桑柘並不曾奏來洪适等曰近有臣寮言淮南州縣稅桑果木已嘗行下約束容檢一宗文字進呈上曰正要勸令栽桑何得更稅也于是樞密院差使臣二員分往兩淮安撫司守等取索州縣已栽植過的寔數目申尚書省其後會到諸州已栽種過桑株數目上曰亦可見得的寔否洪适奏曰州縣既知陛下留意間皆使人于浙西買桑栽去上曰更數年後須成次第可割下兩淮更多為栽種二月十七日忠州團練使知濠州劉光時言濠州復業之民皆無牛耕若或失時秋亦無望乞支撥錢五萬貫貼借民戶收買耕牛種子庶幾趁時營種不致失所詔令淮西總領所支錢萬

萬貫專充收買耕牛

七月十九日臣察言浙西江東淮東路沙田蘆場

多係官戶形勢之家請買租佃未立稅額今朝廷軍食用廣每歲和糴乞

將官民請買沙田園埧成田見今布種比附平田及蘆場項畝並令立

稅其經官請佃之數覈定項畝別行立租如不願租佃者所屬拘收申取

朝廷指揮詔差高州刺史使幹辦皇城司梁俊彥與楊煥張津同共措置

九月三十日措置浙西江東路官田所條具諸州縣沙田蘆場有見

行法起理租稅止緣官戶侵耕冒佃見占項畝致失常賦及租佃人戶計

贖州縣徒輕立租昨雖紹興二十八年委官措置緣督責嚴速開具不寔

所立租數不照鄉原體例一併施行詞訟不已致有銜改今未除已立式

行下州縣開具四至取亦契碁基照驗如已經經界立定二稅即依舊拘

催內沙田若園埧成田已經成熟即依平田立稅其官民戶有侵占寬制

畝及有經官請佃之數並合取見詣寔照色額肥瘠比見立稅上添立租

課仍許見占田人限一月自首如限滿不首許諸色人陳告取賞將所告

之數全給告人承佃戶部契勘官民戶侵占請佃添租事合照前項已降

指揮起理施行餘依所乞本所又言人戶請買田產內有寬剩畝角及買

占田畝如違限不首即合委官抽摘戶數打量覈寔戶部契勘人戶寬剩

畝

冒占田段不曾如無陳告即將犯人追賞及拘田入官本所又言州縣官  
吏若有不擾率先辦集保明乞賜優賞如奉行不度或稽滯騷擾及容情  
蓋庇具名申朝廷人吏重行斷配戶部契勘欲依所乞本所又言官民戶  
請佃沙田蘆場別立租如不願租佃即行拘收或作官莊或召人請佃隨  
宜處置所立租額未審自何年分為始戶部契勘人戶請佃拘收入官之  
召人租佃者其租稅合於米年秋理起本所又言沙田見今起催小麥禾  
絲沙地起催豆麥蘇麻蘆場起催柴芡見錢若以逐色立額竊慮州縣折  
變錢米因而為姦致失時賦乞將昨米立定租數沙田上並起米斛或折  
料馬料稻子聽朝廷指揮沙地並納大麥蘆場並紐折見錢庶幾免折變  
之弊本部契勘欲依內折料馬料稻子人戶願輸者聽從便本所又言候  
措置定計申取朝廷指揮分管或通委本路轉運司戶部契勘見措置係  
浙江東淮東三路蘆田蘆場今欲淮東浙西委趙公稱江東委楊俊同逐  
路轉運主管內梁俊彥通行措置本所又言通與二十八年指揮官戶一  
千畝民戶二千畝以下並特放免立租今降指揮却作官戶二千畝民戶  
一千畝以下依等拘稅前後參差互不同兼已秋成難從今歲起理乞  
與其餘沙田蘆場立定租數目一就起催施行戶部契勘今來官民戶請

買請佃沙田蘆場並合照今降指揮不限田畝多寡起立租稅所有起理  
租數合依本部今來第四項勘當施行從之二十四日臣僚言已降指  
揮應占佃沙田蘆場並立租稅乞將昨來已立租稅及官戶二千畝民戶  
千畝以下亦等第均立稅額其已立額候秋成依見額拘催餘候覈實與  
編氓均輸從之五年七月二十八日戶部尚書曾懷等言浙西江東淮  
東三路有沙田蘆場草場等多係有力之家占佃已最寬餘畝步未曾起  
稅租稅累經打量各有寬剩乞委逐路漕臣措置將昨來人戶自供出數  
參照比近等則估紐價今占佃人承買仍照逐等色額起理稅賦詔戶部  
將昨來人戶自供出寬剩并包裹及占佃實數開奏九月十四日戶部  
侍郎楊侯言江南州縣有常平轉運司圩田見今人戶出納租稅佃  
種遇有退佃往往私徼民田擅立價例用錢交兌取會到建康寧國府太  
平池州所管圩田共七十萬餘畝皆係耕種成熟乞下江南東路提舉常  
平司選官躬詣地頭照臨比田則估價占人實封稅狀增錢承買限滿拆  
封以最高錢見佃人與減二分價承買若不願即給價高人為業除納稅  
依舊外其見納租者並以三分為率與減一分仍不作等第差役及諸般  
科配詔圩田更不出賣今建康寧國府太平池州將每歲收到圩田租苗米並起發

赴總領所大軍倉送納充支遣大軍糧米其餘故也 六年二月一日詔

浙西江東淮東諸處沙田蘆場二百八十餘萬畝除人戶已請佃及已占

外其餘並行估價出賣所有已請佃及已占數目可立定等則增立租課

八日臣寮言浙西江東淮東路諸處沙田蘆場多係有力之家請佃及

有已占寬剩畝步昨來措置括賣據人戶自供到二百八十餘萬畝其間

請佃或已充已業之數雖有稅課並各多寡不一及已占寬剩數目未曾

起理租課詔令蔡洸同梁俊彥專一于行在置司措置中尚省俊彥等言

今來所立租稅自六年為始依秋料省限送納其人戶自行供到寬剩數

目亦合依本所已立租佃例輸納其立定沙田蘆場就租外與並免納二

稅和買役錢之類人戶日前曾有立定所租田地比今來等第已高者

合依舊數送納其舊額低于新立者租稅即合依新立乞行下諸縣照

所供帳式限一月經計逐戶合納稅租之數類聚置籍供申如尚有未實

及有未到數并有擅改新漲復沙田地並限一月陳首如限滿不首許諸

邑人陳告追實將所告田地並給告人原佃其所納米斛如願納稻子

以稻子二石折米一石如願折錢以米一斛折錢三百小麥每斗折錢一

百五十今來租稅係將田地所得花利紐立不許于租佃人戶內抑勒均

輸廩有埧走田地從實申官依條減落租稅如有新漲復沙地新生沙  
田許人戶據實畝步請佃並與免十料限滿依已立租稅等則紐就輸官  
所有合納租稅許令就便于本州縣送納其受納官司不得增收加耗如  
將來諸司申乞舊除豁舊稅合取赤歷照實收數及分撥發納去處除豁  
仍先于籍內立項開說供申本所並從之 閏五月二十五日中書門下  
省言江東諸州圩田近因雨水衝損圩岸苦候條稟動經歲月圩上人戶  
既無田可耕竊慮失所其淮西未耕墾田甚多見行召募人戶請佃理宜  
措置詔令張松多方勸諭如有願往淮西耕田之人津發前去候到令呂  
企中標撥田段借給種糧及屋宇牛具 七月五日司農少卿張津等言  
被旨專一措置浙西江東淮東路諸處沙田蘆場立定租稅今已就緒昨  
來措置租稅並將乾道元年二年人戶自供戶式帳狀內田地畝步所收  
花利立定等則分數并舊稅州縣紐計數目共管租錢六十萬七千七十  
餘貫日後無可改易乞依催科月分省限委官照數拘催起發赴左藏南  
庫交納詔租錢令梁俊彥拘催一年 七年二月四日詔令知揚州晁公  
武知廬州趙善俊下所步州軍子細契勘所種二麥其實數中尚書省於  
是晁公武具到真楊通泰楚滁州高郵盱眙軍人戶所種麥田除先種二

千五百八十七頃一十八畝外續勸諭增種二百九十六頃五十畝有奇  
趙善俊具到廬和濠舒州無為安豐軍乾道五年六年所種二麥田畝數  
日詔淮東路差太府寺主簿趙思淮西差軍器監主簿張樵實未幾張  
樵覈實到淮西麥田數虞允文奏曰張樵言定遠鍾離兩縣于元數外增  
種過二百七十頃則淮西所種必廣矣梁克家奏曰廬州荒田不少今歲  
所收尚有四萬餘斛他可知矣上曰然其後趙思又覈實到淮東二麥  
上問曰比晁公武數增虧如何允文奏曰其數同 上曰守令當定殿最  
以行賞罰允文等曰趙思正論此事謂兩淮多已耕未籍之田州縣取  
其已耕者號為增種其實未嘗勸課不如先括見今荒田頃畝然後責令  
勸耕他日用此以詔賞罰乃得其實 上曰此說甚有理上又曰前日遣  
官覈實欲定守臣殿最以行賞罰耳恐淮人不知將謂增立賦稅可併割  
下張樵趙思曉諭百姓令人人曉朕此意 十四日冊皇太子赦江東圩  
田去年被水衝決去處官圩已令修築外民間私圩已降指揮以田畝十  
分為率借種一分尚憲興工所借分数不足仰提舉官逐州守令量增分  
數一面及時增修具已增分数限半月具實數並申尚書省沙田鹽場昨  
降指揮令見佃人依戶式親行書押管認頃畝花利起立租稅竊慮官吏

奉行減裂誤將祖產一例作佃產分數立租致興詞訴仰實係祖產之人  
降指揮令見佃人依簿赴官陳理當議覈實改正十月五日詔江東西  
湖南北帥漕臣日下措置官為借種責守令勸諭招誘大姓假貸農民與  
依賑糴賑濟賞格推恩赴時廣行種麥仍開具已種頃畝數目申尚書省  
當議取旨殿最賞罰先是軍執進呈臣僚言今歲江西湖南諸州郡例皆  
早傷且去秋未遂宜令邊路守令因而勸種二麥上曰冬月得雨便可  
種麥不知江西湖南入冬得雨否虞允文奏曰臣寮所言正欲趁冬種麥  
以為來春接濟之計上曰甚好今去秋成日月尚遠不爾民何以為食  
可罰下兩路帥漕廣行勸諭借貸種糧令民布種故降是詔八年三月  
三日權知安豐軍張士元言本軍責屬縣令佐勸諭人戶裁種桑柘緣一  
歲之內止自十一月至二月可以栽種乞下兩淮州軍通可栽種責令佐  
多方勸諭其實數供申從之七月七日臣僚言淮南江東浙西沿江沙  
田蘆場所立新租大為民害向來臣僚起請止為有力之家侵耕冒佃今  
却將應千人戶租產已業一概打量所立新租數倍舊日往往盡地利所  
得不足輸官逃移紛紛禍及鄰保甚則州縣為之陪納乞將提領官田司  
後來所立新租參酌施行詔人戶已業蘆場草地所納稅租與減五釐租

田與減一分餘並依舊仍將提領官田所住罷併歸戶部掌管 八月三  
日知安豐軍高楚言近有歸正人陳乞標撥田土及稱已請到田土而無  
牛具耕墾乞借支官錢今欲將未有營生之人每戶給田五十畝牛一頭  
犁耙牛具之屬其已請田之人無牛具者一例給之乞降錢會二萬貫借  
置從之 九月六日中書門下言江西湖南去歲旱傷人戶多無儲積以  
致流移詔令逐路監司守臣勸諭人戶廣種二麥以備水旱 九年六月  
二十八日詔曰朕惟天下之本在乎務農故自即位以來罷游畋却貢獻  
蠲不<sup>志</sup>之費省無名之賦凡山林川澤之禁悉弛以便民庶幾富而教之  
躋二帝三王之盛而志勤<sup>志</sup>勤<sup>志</sup>淺十有二年于茲度地非益廣而耕者不足  
于力度民非益蕃而貧者不足于食間遇水旱散財發粟而猶以病告豈  
吏之不良之不平奪吾民時歟抑從事于末者衆而游乎<sup>志</sup>御給者多多歟  
朕聞昔之為詩者曰饁彼南畝田畯至喜又曰星言夙駕說于桑田其勸  
相成就之如此今吾詔書數下勸民種藝而功未興富有任其貢者比覽  
舊章守令監司寔勸農之官歲終稽其勤惰來上而賞罰之今諸道或城  
連十數而縣數數倍曠歲無有以一人應令者是吏奉詔不虔而勸民不  
至也將何以助朕修耕織之政而豐衣食之原乎繼自今其悉乃心共乃

販出入阡陌勸課農桑視吾新書從事以殖財阜民則賞不汝遺或息  
情自如邦有常刑必罰無赦播告中外諭朕意焉繼有旨令諸路監司郡  
守恪意遵行限次年正月終各保奏以聞毋致違戾九月十日知紹興  
府錢端禮言浙東州縣旱傷至廣朝廷倚閣緩零稅賦差官檢放及借本  
勸諭種麥非不嚴備今官中欠負既已寬卹其出債之家比之豐年收索  
愈急雖欲趁時布種二麥往往不能安業乞將浙東早傷州縣下三等入  
戶所欠私債並與倚閣候來春歲豐熟依元約理還從之十二月錢端  
禮言奉御筆令臣督責守令多方勸誘廣種二麥見今屬縣縣官躬行  
阡陌分行勸誘其間有高仰可種麥田空閑未種處委是無力欲以官中  
收糴種子量酌借貸候至來年成熟催理還官其諸縣諸鄉富貴之家有  
質當過二麥種子恐闕錢取贖乞從本州行下州縣並令借貸及時布種  
候二麥收成依鄉原例交還本錢從之

以上有條公案十條應補抄